

76587

82180

39

部=17

甘肅全省新通志

卷貳

甘肅新通志卷之二

附祥異

太昊伏羲時龍馬負圖出于河在秦州三陽川

周孝王十三年大雨雹牛羊凍死江漢冰 幽王二年三川震涇渭

洛竭 莊王二年秦武公三年渭水赤三日 襄王元年星晝隕于秦

四年冬十二月星隕于秦有聲 顯王八年彗星見于西方 考

王六年六月秦雨雪 赧王三十二年秦昭襄王二十四年渭水赤三日

秦始皇二年春三月乙未有流星大小西行不可勝數至曉乃息七

年夏五月彗星見于西方九年彗星亙天二十六年有大人長五

丈足履六尺凡十二見于臨洮三十三年彗星見三十五年始皇

西略登雞山宮娥吹簫引鳳至

漢高帝元年冬十月五星聚于東井二年夏四月大風從西北起折

甘肅新通志

卷二

天文志 附祥異

一

木發屋揚砂晝晦九年夏六月乙未晦日食既 惠帝二年春正

月隴西地震壓四百餘家夏大旱七年夏五月丁卯先晦一日日

食幾盡 高后二年春正月乙卯武都道地震山崩殺七百六十

人羌道武都山頽秋星晝見 文帝三年冬十一月丁卯晦日再

食八年夏長星出西方十五年春黃龍見成紀是年鳳凰棲下辨

鳳溪後四年夏四月丙寅晦日食在東井十三度後六年夏四月

己巳辰星熒惑歲星三合于東井後七年秋九月有星孛于西方

景帝三年長星出西方中二年夏四月有星孛于西北中三年

秋七月天狗下九月有星孛于西北冬十二月雷霖雨 武帝建

元二年秋七月有星孛于西北六年夏五月丁丑晦日食在東井

二十三度元狩二年春正月隴西地震敗城郭屋室壓殺多人四

年長星出西北元鼎四年天馬生渥洼水中即敦煌泉五年太白入

于天苑元封元年秋有星孛于東井太初元年夏關東蝗飛至敦煌太初中有星孛于招搖征和四年春二月隕石于雍二聲聞四百里初朝那湫泉涌產靈芝因祀湫神 昭帝始元元年夏四月壬寅晨大風從西北起雲氣赤黃四塞天雨終日夜雨著地爲黃土二年冬亡冰三年春二月有星孛于西北元鳳元年秋七月乙亥晦日食既元平元年春二月甲申晨有流星大如月衆星皆隨西行 宣帝本始三年夏秦雍大旱四年夏四月清水縣地震地節元年春正月有星孛于西方去太白二丈所神壽元年秋清水縣大旱 元帝初元二年春二月戊午隴西地震山崩水泉涌出毀城郭民屋壓殺人衆秋七月地再震五年夏四月彗星出西北赤黃色長八尺所 成帝建始元年秋九月戊子有流星出文昌色白光燭地長可五六丈大四圍所詘折委曲貫紫宮西在斗西

甘肅新通志

卷二

天文志 附祥異

二

北子亥間復詘如環北方不合留一刻所冬十二月乙卯月食鎮星不見時在輿鬼河平元年夏四月己亥晦日食不盡如鉤在東井六度三年夏五月乙亥天水南山大石鳴如雷聲聞三百里野雞皆鳴四年春三月壬申臨涇岸崩壅涇水鴻嘉三年冀城南山石鼓自鳴如雷元延元年秋七月辛未彗孛于東井踐五諸侯綏和二年春三月天水平襄燕生爵哺食至大俱飛去是年北隴地震壞城郭壓傷甚重 哀帝建平元年春正月隕石于北地十六 平帝元始元年夏五月丁巳朔日食在東井 新莽始建國五年北地大饑人相食地皇元年春二月壬申日正黑

後漢光武皇帝建武二十二年夏五月乙未晦日食在柳七度近輿鬼二十九年夏四月武威酒泉蝗三十年閏月甲午水在東井二十度生白氣東南指炎長五尺爲彗東北行至紫宮西藩止五月

甲子不見凡見三十一年秋七月有客星見軒轅炎二尺所西南行至明年春二月二十二日在輿鬼東北六尺所凡百十三日滅中元二年冬十月戊子大流星從酒泉郡西南東北行聲如雷 明帝永平元年北地大有四年酒泉大蝗從塞外入章帝建初三年夏六月癸丑甘露降于洮陽 和帝永元五年春二月戊午隴西地震夏四月金火水俱聚于東井七年春二月戊寅金火俱在井九年春二月庚辰隴西地震十五年夏四月甲子晦日食在東井二十二度 安帝永初元年秋八月戊申客星在東井弧星西南二年湟中饑涼州大風拔樹夏四月甲寅漢陽阿陽城中火燒三千五百七十四人三年冬涼州大饑人相食七年夏四月丙申晦日食在東井一度元初元年冬十月戊子朔日再食三年冬十一月甲午客星見于西方 順帝永建二年春正月

甘肅新通志

卷二

天文志 附祥異

三

丙子漢陽地陷裂壞屋殺人六年春二月甲申彗星在東井陽嘉元年冬十二月客星出天苑永和三年春二月乙亥金城隴西地震裂壞城郭屋室多壓殺人辛丑有流星從西北行長八九尺色赤黃有聲隆隆然如雷五年夏五月己丑晦日食在東井三十三度近輿鬼六年春二月癸未昏彗星見西北甲申在東井遂歷輿鬼七星張光延及三台至軒轅中滅建康元年春平襄地震正月涼州都郡六地震從去年秋九月以來至夏四月凡百八十日震山谷坼裂壞敗城市傷害人物 桓帝建和三年夏四月丁卯晦日食在東井二十三度秋七月廉縣雨肉似羊肺或如掌元嘉二年秋八月金城言黃龍見允街延熹四年夏六月右扶風及涼州地震永康元年夏五月壬子晦日食在輿鬼一度 靈帝建甯中李翕爲武都太守有黃龍甘露嘉禾木連理瑞圖形于魚竅峽光

和元年冬十月丙子晦日再食三年冬閏月有星孛于狼弧是年自秋至明年春酒泉表氏地八十餘動漏水出城中官市民舍皆顛縣易處更築城郭六年秋金城河水溢二十餘里五原山岸圯中平四年春三月丙申黑氣大如瓜在日中 獻帝初平四年夏六月辛丑天狗西北行九年冬十一月有星孛于東井輿鬼入軒轅太微十七年冬十二月有星孛于五諸侯二十三年春三月孛星夕出西方犯厯五車東井五諸侯文昌軒轅后妃太微鋒炎指帝座

蜀漢先主章武二年

魏世祖文皇帝黃初三年

冬十一月戊戌晦日再食

後主

建興初西郡蘭池長趙奭得玉璽軍士張冰得之文曰皇帝璽以上涼州刺史張寔羣僚上慶稱德寔曰孤憤本初僭擬諸君何忽有此言乃上之朝十三年魏張掖柳谷口水溢涌石負圖狀象靈龜立于州西有石馬七及鳳凰麒麟白虎犧牛璜玦八卦列宿孛誓之象又有文曰大討曹

甘肅新通志

卷二

天文志 附祥異

四

魏明帝青龍二年春三月辛卯月犯輿鬼 齊王芳正始元年冬十一月秦州雷電十二月地震二年冬十二月南安郡地震三年秋七月甲申南安郡地震八月秦州地震六年春二月丁卯南安郡地震是年秦州饑嘉平元年春正月壬辰朔西北大風發屋折木昏塵蔽天 陳留王奐景元四年夏六月有大星二如斗見西方分流南北光照地隆隆有聲咸熙二年秋八月有長人見于襄武長三丈餘足長三尺二寸白髮黃衣拄杖呼民王始曰今當太平晉武帝泰始二年春正月辛丑白虎見天水冬十月丙午朔日再食四年秋七月衆星西流六年夏五月秦州旱饑咸寧三年春正月有星孛于西方四年白兔見天水夏四月蚩尤旗見于東井六月

丁未陰平地地震甲子又震太康元年夏五月甲辰白鹿見天水二
年高平縣大風折木五年秋九月南安郡大風折木又大水六年
冬十月南安郡山崩水出七年春二月陰平仇池崖隕秋七月秦
州隕霜殺稼八年夏四月天水隕霜秋七月陰平地震九年夏四
月隴西隕霜安定旱傷麥 惠帝元康四年當亭有木連理五年
夏四月彗星見西方孛于奎至軒轅六月金城地震秋七月秦雍
二州旱疫隕霜殺稼八年秋九月雍州水永康元年冬十一月戊
午朔大風從西北來折木飛砂石六日止永甯元年春正月至閏
三月五星互經天縱橫無常秋七月姑臧縣螟顯美縣蝗永興元
年春正月乙丑西北大風二年冬十月有赤氣見于北方東西竟
天 懷帝永嘉元年秋八月有大星如日小者如斗自西方流東
北天盡赤俄有聲如雷四年夏五月枹罕羌妓產一龍一蛇一鵝

甘肅新通志

卷二

天文志

附祥異

五

秦州饑疫大蝗草木牛馬毛鬣皆盡 愍帝建興二年春正月辛
未有三日相承出於西方而東行又辛未庚時日隕于地四年三
日並照五年春正月三日並照虹蜺彌天

東晉元帝大興元年夏四月乙酉西平地震涌水出冬十月乙卯日
夜出高三丈中有赤眚一二年夏五月地震祁山崩殺人上邽等
處大饑三年五日並見高平郡界山崩出雄黃數千斤夏六月涼
州大水永昌元年秋七月甲午有流星大如甕長百餘丈青赤色
從西方來分爲百餘歧方散 成帝咸和二年夏五月甲午朔日
食在東井四年秋七月有星孛于西北咸和中上邽馬生牛秦州
送白虎白鹿于石勒八年夏五月隕石于涼州二九年春三月己
亥熒惑入輿鬼咸康三年秋八月甲戌月犯東井距星八年涼州
張重華將誅西河相張祚廐馬數十匹同時悉無尾秋七月張璠

在涼州正朝放佳雀諸鳥出手皆死左右放者悉飛去 穆帝永和元年夏五月辛巳太白晝見在東井三年春二月乙亥西平地震裂城郭室屋多壞壓殺人夏六月月犯東井距星冬十月西平地地震涌出水七年春三月己卯涼州大風拔木黃霧下塵八年張重華在涼州春三日日暴赤如火中有三足烏象甚分明五日乃止十年夏五月霜降殺果是年張祚僭號其夜有光如車蓋聲若雷霆震動城邑十二年夏六月庚子太白晝見東井升平元年春二月太白入東井涼州城東池中有火四年夏四月姑臧澤中有火丁亥月掩井南轅西頭第二星冬十二月甲午月犯東井二年冬十二月枉矢自東南流于西北其長半天五年夏六月西平地震秋八月涼州地震 哀帝隆和四年涼州春旱至夏興甯三年苻秦建元元年秦州地震裂水泉涌出金象生毛 帝奕太和元年春二

甘肅新通志

卷二

天文志 附祥異

六

月西平涼州地震水湧夏四月丁丑浩亶山隕秋九月涼州城外楊樹生松火生泥中四年春二月客星見紫宮西垣至七日乃滅 簡文帝咸安元年西平地地震狐入謙光殿 孝武帝甯康元年彗星見自箕尾掃東井四月及冬不滅二年秋七月甲午西平涼州地震山崩三年夏六月辛卯太白犯東井秋九月戊申災惑掩左執法尋苻堅破涼州太元四年秦州大饑八年苻秦建元十九年姑臧南門崩隕石于閑豫堂十一年春三月戊申太白晝見東井夏六月甲申見輿鬼十二年冬涼州大饑人相食十五年秋七月壬申有星孛于北河經太微三台文昌入北斗色白長十餘丈八月戊戌入紫微乃滅 安帝隆安元年夏四月丁丑太白晝見東井五月龍見于長甯川麒麟遊於綏羌武都郡前水中白龍升天四年金城南景門崩元興元年羣雀闕于姑臧之太廟死者數萬義熙

二年金城苑川地震裂生毛狐雉入于寢內六年西秦高祖乞伏乾歸更始二年

枹罕金城見鼠數萬頭將小鼠各街馬屎羣移而渡洮灑二水悉

止枹罕八年秋七月己未月犯井鉞九年春二月壬辰水火土金

聚于東井從歲星也十年日沒東井有白虹十餘丈在南干日又

有雲五色起于南山即嶺岷山在苑川西南十一年秋熒惑不見八十餘日

後出東井秦地大旱十二年天水冀縣石鼓鳴聲聞數百里野雞

皆雊秦州地震者三十二殷殷有聲者八山崩壞民居次年後秦亡

恭帝元熙元年夏四月西涼地震星隕

南北朝宋文帝元嘉六年西秦地震草木皆自反七年西秦自正月

不雨至于九月十二年春正月涼州有神投書于敦煌東門曰涼

王三十年若七年求之不獲十九年秋九月有客星在北斗因為

彗入文昌貫五車掃畢拂天節經天苑季冬乃滅二十三年春二

甘肅新通志

卷二

天文志 附祥異

七

月金火水合于東井 孝武帝孝建初春二月流星大如月西行

大明四年北魏文成帝和平元年秋八月雍州大水

齊武帝永明八年夏六月丙申有黃光竟天照地狀如金 東昏侯

永元二年秋七月日再食 和帝中興元年彗星竟天

梁武帝普通三年冬十一月己丑朔日再食大同四年夏六月辛丑

朔日再食中大同元年夏六月辛巳竟天有聲如風水相薄太清

二年春正月癸巳朔兩月相承如鈞見于西方夏六月天裂于西

北冬十二月天西北裂有光如火 元帝承聖元年冬十一月兩

日俱見

陳文帝天嘉二年冬十月甲戌朔日再食五年秋八月丁未朔日再

食天康元年春二月日鬪光微日中見烏 臨海王光大二年夏

六月彗星見東井 宣帝太建四年秋九月庚子朔日再食 後

主至德元年冬十二月戊午夜天開自西北至東南其內青黃雜色隆隆若雷聲

北魏道武帝天興四年春正月彗星見于西方 明元帝永興四年

春二月壬辰水火土金聚于東井後木火入鬼 太武帝始光三

年與羣臣謀伐夏皆以爲不可崔浩曰往年以來熒惑再守羽林

旬已而行其占秦亡今年以來五星出東方利于西伐天人相應

不可失也已而竟滅夏 文成帝興光元年宋孝武帝秋七月丙

申朔日食既太安五年宋孝武帝高平二雍秦州旱 孝文帝延

興三年宋蒼梧王冬十二月癸卯朔日食在七星近輿鬼五年春

二月秦州地震承明元年夏六月秦州獻白鹿太和元年春正月

白鹿見秦州二月秦州獻白雉三月白雉見秦州閏五月秦州地

震殷殷有聲六月秦州饑二年春二月涼州獻赤鳥秋七月白鳥

甘肅新通志

卷二

天文志 附祥異

八

見三年春正月統萬城獻白雉秋九月白鳥見秦州五年春二月

秦州城震夏六月上邽鎮城西水中得玉車釧三一赤二青刺甚

精六年夏五月秦州地震秋八月甲午復震有聲如雷乙未又震

七年春三月秦州地震有聲十年閏正月秦州地震二月秦州地

震有聲 宣武帝景明元年夏六月庚午秦州地震二年冬十一

月辛卯涼州雷發聲三年春二月秦州黃霧雨土冬十月秦州南

稻新興二縣木連理各一四年春正月辛酉涼州地震夏六月丁

亥秦州地震秋七月乙丑涼州地震八月辛巳雨土覆如霧九月

秦州當亭四縣各木連理冬十二月秦州地震正始元年冬十一

月秦州雷電二年夏州獻白鳩秋七月己丑涼州地震有聲城圯

八月秦州地震四年秋八月涼州蝗冬十一月秦州獻白雉永平

元年春正月庚寅秦州地震三年夏五月己亥仇池大風拔樹次

日大雨雹雪殺鳥獸禾稼延昌元年冬十月秦州地震有聲三年冬十一月秦州獻白雀四年秋八月秦州獻白雀 孝明帝熙平元年冬十二月秦州地震有聲神龜元年秦州城西武陽山木連理正光元年秋九月夏州沃野鎮官馬爲蟲入耳死者十四五蟲似蠅長五寸以下大如楮二年夏六月秦州地震有聲東北引八月始平郡地開成井乙亥朔夏州暴風隕霜是年大水三年冬十一月己丑朔日再食是年夏州獻白雉四年秋八月乙亥月在畢掩熒惑冬十月乙卯太白入斗口第四星光芒相掩 節閔帝晉泰元年春三月丁卯日月並赤赭色天地溷濁 東魏孝靜帝天平四年陝秦諸州大旱

北齊後主天統四年夏六月彗見東井武平七年春二月丙寅大風從西北起發屋拔樹五日乃止

甘肅新通志

卷二

天文志

附祥異

九

北周愍帝元年春二月秦州獻木連理 明帝武成元年夏四月秦州獻白馬朱鬣 武帝天和元年春二月庚午日闕光遂微三年夏六月甲戌彗星見東井長一丈上白下赤而銳東行至鬼北八寸乃滅建德三年涼州地頻震壞城郭地裂涌泉出六年春正月天西方有聲如雷宣政元年夏六月壬午木火金合于東井 靜帝大象元年夏四月戊子金木水合于井

隋文帝開皇元年春正月己巳白虹夾日十三年廓州遮雲山稱萬年者三冬十一月大風拔木秦隴地大震壓死千餘人仁壽元年冬十月蘭州楊樹生松高三尺六節十二枝夏四月隴西地震秋七月日青無光 煬帝大業三年春二月己丑彗星見于東井掃帝座百餘日乃止四年張掖獲黑狐九年春正月二十七日兩月並見十二年熒惑守羽林秋八月有流星如墜出羽林十三年秋

七月武威司馬李軌起兵河西自稱涼王薛舉稱秦帝徙據天水是月焚賊守積尸冬十一月辛酉日光四散如流血

唐高祖武德元年秋七月丙午填星太白辰星聚于東井冬涼州大饑二年春三月丙申填星太白辰星聚于東井三年慶州自四月至八月不雨四年自春至七月乃雨六年秋淋雨害稼夏州蝗九年春三月丁亥有星孛于卷舌夏五月太白晝見六月丁巳經天己未又經天初突厥國中雨血三日 太宗貞觀元年秋八月隴右邊州霜二年夏六月天狗隕于夏州城中八年秋七月隴右山摧大蛇屢見十六年夏六月甲辰西方有流星如月西南行十七年夏六月己卯朔日食在東井十六度秋八月涼州鴻池谷有石青質白文成字十八年廣武縣民李來婢產一卵二十年秋九月辛亥靈州地震有聲如雷二十三年夏四月靈州河清初突厥有

甘肅新通志

卷二

天文志 附祥異

十

五日並照又有三月並見 高宗永徽元年雍州大旱顯慶五年夏六月庚午朔日食在東井二十七度龍朔元年夏五月甲子晦日食在東井二十七度總章二年夏六月戊申朔日食在東井二十九度咸亨元年夏六月壬寅朔日食在東井十八度上元三年秋七月丁亥彗星起東井指北河長三尺餘東北行光芒並盛長三丈掃中台指文昌九月乙酉不見儀鳳三年夏四月涇州獻二小兒連心異體調露元年秋八月邠慶甯涇原五州霜冬十一月壬午秦州神亭治北霧開如日初曜是年鳴墜飛入塞相繼蔽野至二年春正月還復北飛至靈夏北悉墮地死視之皆無首永隆二年秋七月雍州大風 武后文明元年秋七月辛未彗星見于西長丈餘八月甲辰不見垂拱三年武威郡石化爲麪四年夏六月丁亥朔日食在東井二十七度五年夏六月甯州大水聖

三年甯州大雨水 中宗嗣聖元年夏四月丁亥甯州大風拔木
景龍元年夏六月丁卯朔日食在東井二十八度冬十月壬午彗
星見于西十一月甲寅不見二年夏六月癸巳太白晝見東井二
十二年春二月秦州地震 明皇開元時黃河水溢逼會州城二
年春正月原州獻肉角羊夏五月乙卯晦有星西北流或如甕或
如斗貫北極小者不可勝數天星盡搖至曙乃止二十二年春二
月壬寅秦州地震壞廬舍殆盡壓死四千餘人天寶三年春正月
庚戌日暈五重十三載夏六月乙丑朔日食不盡如鉤在東井十
九度 肅宗至德元載冬十一月辛亥朔河西地震裂有聲陷廬
舍張掖酒泉尤甚至二載三月癸亥乃止夏四月壬寅熒惑太白
辰星聚于鶉首從歲星也乾元三年夏四月丁巳彗星見東方疾
行歷東井輿鬼柳凡五旬餘不見閏月辛酉朔見于西長數丈至

甘肅新通志

卷二

天文志 附祥異

七

五月滅 代宗大曆三年秋七月壬申五星聚東井十年春三月
有流星出于西如二升器尾長二丈冬十二月丙子月出東方上
有十餘道如匹練貫井鬼柳十三年夏六月隴右獻貓鼠同乳
德宗建中四年春正月金城地大震貞元元年春旱夏蝗西盡河
隴羣飛蔽天旬日不息草木葉及畜毛皆盡餓殍枕道民蒸蝗去
翅而食之十年春正月涼永奏甘露降十七年夏五月壬戌朔日
食在東井十度 憲宗元和二年冬十月壬午日旁有黑氣如人
形跪手捧盤向日盤中氣如人頭十二月己巳西北有流星亙天
尾散如珠四年閏三月日旁有物如日秋八月丁丑西北有大星
東南流聲如雷鼓是年慶州地震者再六年甯州大稔七年眞寤
大水漂没人畜十年春正月辛卯日外有物如鳥夏六月辛未歲
星熒惑太白辰星合于東井十一年秋八月渭水溢十三年夏六

月癸丑朔日食在輿鬼一度 穆宗長慶元年春正月丙辰有大星出狼星北尾長三丈東北流二月隴上有異獸如猴色青長腰尾性迅猛捕蕃人而食遇漢人則否秋九月靈州河清冬廣武縣無雪是年地震二年冬十月夏州大風飛砂爲堆高城堞四年春三月庚午太白晝見經天七年秋九月靈州奏黃河清從陝至定遠界二百五十里見底 敬宗寶曆元年夏六月甲戌赤虹貫日 文宗太和二年冬十月客星見于水位八年秋九月辛亥彗星見于太微長丈餘西北行庚申不見冬十月壬寅白虹貫日東西際天有背缺開成二年春三月甲申客星出于東井下至四月丙午沒四年春正月癸酉彗出羽林閏月丙午見卷舌西北至二月己卯不見己亥流星大小二百餘並西流尾長二丈至五丈是年地震裂水泉涌岷山崩洮水逆流三日鼠食稼人饑疫死者相枕

甘肅新通志

卷二

天文志 附祥異

三

藉五年春二月丙辰日重暈赤氣夾日 武宗會昌元年秋七月彗出羽林 宣宗大中三年冬十月辛巳河西靈武鹽夏等州地震壞廬舍壓死數千人七年秋九月靈州奏黃河清 懿宗咸通元年夏六月壬寅朔日食在東井十八度七年渭州有人生角涇州靈臺縣百里成雀生燕養成飛去 僖宗乾符二年日中有若飛燕者三年夏六月雄州地震裂水湧至七月辛巳止城垣廬舍盡壞四年夏六月庚寅雄州地震六年秋夏州雲霧晦冥自旦及禺中乃解冬十一月丙辰朔有兩日並出而鬪三日乃不見中和二年冬十月西北方無雲而雷光啟元年彗出積水積薪之間二年冬十月壬戌長星出于西方色白長一丈五尺屈曲而隕 昭宗光化三年冬日有虹蜺背瑠彌旬天復元年自夏五月丁酉至于己亥太白晝見經天在東井度秋八月己亥西方有白氣如履

底出白氣如疋練長五丈上冲天分爲三彗形下垂三年春二月大星如月自東西流聲如雷尾跡橫貫中天三夕乃滅天祐元年春二月丙寅日中見北斗二年春二月己巳日有黃白暈如半環有倉黑雲夾日旣而雲變如人馬狀乃消三月乙丑夜有大星出中天如五斗器流至西北去地十丈許而止上有星芒炎如火長五尺蛇行小星皆動至東南其隕如雨少頃沒後有蒼白氣如竹叢上冲天中色曹蓋枉矢也夏四月彗星出于北河貫文昌長三丈餘五月長互天至辛未不見

五代梁乾化二年麟見文州 唐明宗天成二年春三月庚申衆小星流于西北 閔帝應順元年春二月丁酉衆星流于西北 晉高祖天福七年夏四月關西諸郡皆蝗大饑死者十有七八 周世宗顯德七年春正月癸卯日旣出其下復有一日相掩黑光摩

甘肅新通志

卷二

天文志 附祥異

三

盪者久之

宋太祖建隆元年春正月龍見玉壘關二年秋七月己卯夜西方起蒼白雲長五丈貫天互井宿乾德元年夏六月廣武縣蝗二年靈州旱夏六月秦州蝗秋七月暴雨溺民四年冀山崩壓死六千餘人秋八月渭州范裕獻蓮一莖二花開寶元年關西大旱饑 太宗太平興國二年夏五月白龍見于甯州要冊龍廟池中三年靈州獻官馬駒足有二距夏四月秦州秦嶺南石洞自開得丹砂千二百粒獸形六秋八月涇州民田產嘉禾四年秋八月秦州大水五年甯州眞甯大水六年永興軍河漲陷甯州雍熙二年春正月壬戌有星出東井其大倍于金星至輿鬼沒是年靈州芝草生知州侯公贊刻木爲狀來獻三年階州青龍峽山圯壅白江水逆流高十丈許壞民田數百里四年成紀縣民王和敏家牛生二犢端

拱元年曲水民曹慶家牛生二犢二年秋七月丁亥客星出北河西北有彗指西南戊子彗出井積水西三十日滅四年夏六月隴城牛頭河漲清化元年夏六月秦州隴城清水二縣大雨壞官私廬舍殆盡溺死百三十七人二年春正月有星出水府西經參旗分爲三四年隴城縣大雨曲水民張思永家牛生二犢至道二年冬十月靈夏環慶等州地震城郭廬舍多壞 眞宗咸平二年春三月辛丑夜秦州大澤縣三陽寨大雨崖摧壓死六十二人四年春正月秦州成紀縣山摧壓死六十餘人秋七月戊戌白氣如陣貫東井九月慶州地震者再戊戌有星千數入輿鬼至中台凡一大星偕小星數十隨之其間兩星如升器大至狼星一至南斗沒六年冬十一月有星孛于井鬼大如杯長四尺三十餘日沒是年曲水楊漢成楊景觀王思讓家牛生二犢 景德元年冬十二

甘肅新通志

卷二

天文志 附祥異

四

月甲辰日有二影如三日狀是年天雄軍北方有星大如斗隕於西北赤光丈餘二年夏六月甯州眞甯山水泛溢壞民舍軍營人多溺死四年秋七月秦州成紀縣崖圯壓死居民滑州瓦亭砦早霜殺稼地震者四七年夏國甘露降大中祥符元年曲水縣麥秀二三穗二年趙德明出侵回鶻恆星晝見懼而還三年秋九月慶州安化縣民王景温田中嘉禾生冬十月靈武地震壞廬舍壓人甚多十二月夏州饑趙德明表求粟百萬賑濟王旦曰詔德明已敕有司具粟百萬其遣衆來取德明得詔慚曰朝廷有人遂止四年河池縣民馮守欽妻一產三男七年夏六月秦州定西砦川暴漲多溺死者是年天水縣民王吉家牛生二犢九年夏六月秦州獨谷水出壞長道縣鹽官鎮城橋及廳舍二百九十五區溺死六十有七人 仁宗天聖五年春三月秦州地震秋七月鹽官鎮大

水景祐元年秋九月己丑有星出東井如太白赤黃色尾跡向東
行至柳康定元年龐籍言夏州鼠食稼且旱慶厯三年甯州眞甯
縣大雨如注水漂二千餘家溺死千餘人冬十二月二十六日天
雄軍雨血至和二年秋九月壬午有星出東井如太白赤黃色向
北速行至文昌沒嘉祐五年春三月甲午月掩熒惑在井七度半
七年熙河大雨洮河汎溢 英宗治平元年春二月乙未蒼黑雲
起西北方長五丈許貫東井四年冬十二月庚戌夜蒼黑雲起南
方長三丈闊二丈貫東井五諸侯 神宗熙甯時河州雨雹大者
如鵝卵小者如蓮子芡實像人頭有耳目二年春正月丙戌月入
東井七年夏六月熙州大雨洮河溢八年夏涇州大雨雹十年夏
秦州大雨雹元豐四年階州饑環州河水甘州北近鹵水苦至是
河水味甘人爭取之

哲宗元祐七年秋九月蘭州鎮戎永興軍地震冬十月庚戌朔

甘肅新通志

卷二

天文志 附祥異

五

環州地再震元符元年兩當縣麥秀三歧秋九月夜鎮洮大雪深
三尺冬十二月彗星見夏國乾順赦國中 徽宗崇甯元年秦鳳
早二年蘭州禾合穗三年秦鳳路饑大觀三年秋七月階州久雨
江溢政和五年冬十二月安化軍獲白兔七年夏六月熙河環慶
涇原路地震經旬城砦關堡官私廬舍並皆摧塌居民覆壓死傷
甚衆宣和五年夏秦鳳路旱六年春三月蘭州地震諸山草木盡
沒山下麥苗反在山上七年秋七月己亥熙河路地震有裂數十
丈者蘭州尤甚倉庫皆沒 欽宗靖康元年种師道帥師入援隴
右遂空蠶食于野 高宗建炎三年春二月甲寅日初出雨黑氣
如人形夾日至巳時乃散紹興二年階成旱四年冬十二月庚寅
望月食于井五年階州城北三十里柳林有四虎白晝食人六年
文成大饑道殣枕藉九年春三月甘露降于成州仙崖之下仙人
龕磨

十一一年春三月庚申涇州雨黃沙秋九月夏國饑十二年秋七月丙午彗見東北井宿丙冬十二月陝西大旱涇渭灞澮皆竭民多饑死十三年春二月夏國地震踰月不止地裂湧泉出黑沙歲大饑十四年彗星見夏國坤宮五十餘日而滅十五年夏六月乙亥朔日食在東井紹興中夏大德九年靈芝生于後堂高守忠家乾順作靈芝頌俾中書相王仁宗和之二十六年秋七月丙午彗見東井二十八年興利二州大雨水三十年春階成鳳西和州旱孝宗隆興元年夏六月庚戌日食在東井九年夏五月壬辰朔日食在東井乾道元年春正月秦州火淳熙元年階文成州旱二年秋七月辛丑有星孛于西北當紫微垣外小如熒惑丙午消五年閏六月己亥階州暴雨至於戊申水壞城郭冬十一月丁亥望月食于井九年冬十一月辛巳望月食于井十年階成西和人乏

甘肅新通志

卷二

天文志 附祥異

六

食十一年夏五月丙申階州白水溢決隄圯城浸廬舍祠廟寺觀甚多十三年秋階文成州霖雨敗禾稼種稔十四年夏五月有星大如日與月相摩盪而入十六年夏四月天水縣大雪傷人五月階文成州霖雨丁巳白水江溢浸城市民廬成州亡麥冬階成西和洊饑又淳熙初熙河經略安撫使吳玘入覲除興州利州兩路安撫使仍駐節成州時水暴入城賑濟被水之人復築長隄民賴以安 光宗紹熙二年階成西和亡麥五年夏五月秦州大水甯宗開禧元年秋七月階文成州霖雨害稼二年夏六月階文霖雨冬十二月壬申夜成州天赤如血照地如晝自月初有兩日摩於初晴之時至此復有此異嘉定元年夏六月戊寅太白填星熒惑合于井二年長道縣水入城圮壘舍同谷縣亦水五年冬十二月壬子月食于井十二年冬十一月丙午望月食于井十七年

夏四月西和州焚軍壘及民居

遼聖宗開泰三年春正月丁酉彗見西方

金太宗天會二年秋秦州潦害稼 熙宗天眷元年有龍見于熙州

野水凡三日初于水面見一蒼龍良久而沒次日見金龍一爪承一嬰兒爲龍所戲略無懼色三日如故又見一人乘白馬紅袍玉帶如少年官狀馬前有六蟾蜍凡三時乃沒郡人競往觀之秋七月丁酉岸出澣河溢壞民廬舍三年冬十二月丁丑熙州地震皇統元年秋熙州蝗二年春二月熙河路饑三月辛丑大雪五年夏四月丙申彗星見于西北長丈餘至五月壬戌滅 海陵王正隆五年春三月陝西地震德順鎮戎軍大風壞廬舍人多壓死秋八月庚午日中有黑子狀如人 衛紹王大安二年春正月庚戌朔日中有流星出大如盤西行漸如車輪長數丈至地復起光散如

甘肅新通志

卷二

天文志 附祥異

七

火移刻滅 宣宗興定三年夏四月癸未平涼鎮戎德順地大震廬舍傾壓死者甚衆 哀宗正大八年春三月庚戌日忽白而失色左右有氣似日無光與日相凌日光四出搖盪至沒

元世祖中統三年夏五月甘州饑至元元年秋七月甲戌彗星出輿鬼八年夏六月河州蝗秋七月乙亥臨洮府會州隕霜殺禾十八年閏八月壬寅瓜州屯田進瑞麥一莖五穗秋九月熒惑犯積尸氣冬十一月己亥太陰掩輿鬼二十二年秋八月癸丑太陰入東井冬十月辛亥太陰犯東井十一月己卯太陰犯東井十二月丁未太陰犯東井二十四年春正月甲戌太陰犯東井二月辛丑太陰犯東井三月丙申太陰犯東井秋七月壬寅熒惑犯輿鬼積尸氣甲辰熒惑犯輿鬼癸丑日暈連環白虹貫之八月辛巳太陰犯東井二十六年冬十二月甯州民張安進嘉禾一本二十八年夏

四月乙未歲星犯輿鬼積尸氣秋八月丙寅太白犯輿鬼二十九
年春正月甲午朔有物漸侵入日中不能既日體如金環然有珥
抱三十一年夏四月戊申太白晝見又犯鬼五月庚戌朔太白犯
輿鬼 成宗元貞元年閏四月蘭州黃河清三日上下三百餘里
五月鞏昌金州會州西和州雨雹亡麥禾六月環慶伏羌通渭等
處旱饑二年春正月壬午太陰犯輿鬼秋七月壬午太白犯輿鬼
大德元年夏五月癸酉太白犯鬼積尸氣二年秋九月癸卯太陰
犯五諸侯冬十一月己亥太陰犯輿鬼十二月己未填星犯輿鬼
庚午入輿鬼三年春二月己巳熒惑犯五諸侯三月戊戌熒惑犯
輿鬼夏四月丙寅填星犯輿鬼秋七月丁未太陰犯輿鬼四年夏
五月辛丑太白犯輿鬼閏八月庚辰熒惑犯輿鬼九月壬戌太陰
犯輿鬼五年春正月壬子太陰犯輿鬼積尸氣二月己卯太陰犯
甘肅新通志

卷二

天文志 附祥異

六

輿鬼夏四月壬申太陰犯東井六月癸巳太白犯輿鬼秋八月庚
辰彗出東井十四度四十分歷紫微天市垣自八月庚辰至九月
乙丑凡四十六日而滅冬十月癸未太陰犯東井十一月己亥歲
星犯東井六年春三月壬寅太陰犯輿鬼夏四月乙丑朔太白犯
東井庚寅犯輿鬼秋七月癸巳朔熒惑填星辰星聚井八月己巳
熒惑犯輿鬼九月癸丑太陰犯輿鬼冬十二月乙丑歲星犯輿鬼
乙亥太陰犯輿鬼大德中關隴地震月餘不止七年夏四月癸亥
太陰犯東井乙亥歲星犯輿鬼丁亥歲星犯輿鬼五月壬辰辰星
犯東井秋九月甲戌太陰犯東井冬十月辛丑太陰犯東井十一
月戊辰太陰犯東井十二月丙申太陰犯東井九年秋八月辛巳
太陰犯東井十一年秋八月開成路地震壞王宮及官民廬舍壓
死五千餘人冬十一月丙子太陰犯東井 武宗至大元年夏五

月癸丑太白犯輿鬼六月丁酉鞏昌隴西甯遠地震西甯雨雪二年夏六月癸酉辰星犯輿鬼三年夏四月癸巳熒惑犯輿鬼四年春三月己亥甘肅甯夏等處地震裂夏四月癸巳熒惑犯輿鬼秋七月癸未甘州地震大風有聲如雷丁酉太陰犯鬼宿距星閏七月甲子甯夏地復震冬十一月甲寅太陰犯輿鬼 仁宗皇慶元年春三月丁酉朔熒惑犯東井壬寅太陰犯東井夏四月壬午熒惑犯輿鬼癸未犯積尸氣秋七月戊午太陰犯東井冬十二月甲申熒惑填星辰星聚并二年春三月鞏昌甘肅等處饑丁未彗出東井秋七月己丑朔歲星犯東井八月壬戌歲星犯東井壬午太陰犯輿鬼延祐元年春二月癸酉熒惑犯東井三月己亥白暈互天連環貫日閏三月辛酉太陰犯輿鬼夏五月戊午辰星犯輿鬼冬十二月甲午太陰犯輿鬼二年春正月乙卯歲星犯輿鬼夏五

甘肅新通志

卷二

天文志 附祥異

五

月乙丑秦州成紀縣山移是夜疾風雷電北山南移至藉水側次日再移平地突出土阜高者二三丈陷沒居民六月癸卯太白犯東井丙午辰星犯輿鬼是年蘭州旱四年夏六月六盤山隕霜殺稼五百餘頃秋七月己丑成紀縣山崩八月丙申熒惑犯輿鬼五年春二月丁酉成紀縣秦安縣山崩夏五月隴西縣山頽秋七月戊子甯遠縣山崩八月伏羌縣山崩成紀縣暴雨山崩朽壤墳起覆沒畜產六年秋七月鞏昌隴西縣雹害稼八月乙酉熒惑犯輿鬼冬十月戊辰太陰犯東井七年夏六月丁卯太白犯東井宿東扇第三星冬十月戊辰太陰犯東井十一月成紀縣暴雨山隕壤廬舍沒畜產無數戊午太陰犯井宿東星 英宗至治元年夏五月戊寅太白犯鬼宿積尸氣秋八月秦州成紀縣山隕冬十一月鞏昌成州等處饑丙戌太陰犯井宿東扇北第二星二年春二月

戊申太陰犯井宿東扇北第二星夏四月涇州雨雹五月階成饑
秋七月戊午太陰犯井宿鉞星冬十月庚辰太陰犯井宿距星辛
巳犯井宿東扇北第二星及第三星十一月鞏昌成州饑岷州旱
戊申太陰掩井宿東扇北第二星十二月乙亥太陰掩井宿距星
三年春正月壬寅太陰犯鉞星又犯井宿距星癸卯太陰犯井宿
東扇南第二星 泰定帝泰定元年春二月河州饑三月臨洮狄
道縣饑夏五月隴西縣大雨漂死者五百餘家丁未太白犯鬼宿
積尸氣六月陝西黑水河溢定西州雨雹秋八月成紀縣暴雨山
崩水溢壅土至來谷河成邱阜九月文州霖雨山崩冬十月乙卯
秦州成紀縣民趙思直妻張氏一產三男二年春正月鞏昌路水
二月甘州路大雨水漂沒行帳孳畜夏四月伏羌縣山摧岷洮文
階四州雨水秦州饑五月臨洮府雨雹饑六月靜甯成紀鞏昌等

甘肅新通志

卷二

天文志 附祥異

三

處大雨雹秦安縣山移甯夏路饑丙戌填星犯井宿鉞星秋九月
成州饑冬十月甯夏鳴沙州大雨水癸巳填星退犯井宿十一月
戊午填星退犯井宿鉞星三年春三月丙午填星犯井宿鉞星庚
午填星太白歲星聚于井夏六月甯州高寺火秋九月階州饑冬
十二月丁亥甯夏路地震聲如雷發自西北連震者三四年秋八
月鞏昌等處地震聲如雷通渭縣山崩九月壬寅甯夏地震致和
元年秋七月涇州靈臺縣饑辛酉朔甯夏地震 文宗天曆元年
夏五月庚午太白犯鬼宿積尸氣三年春正月鞏昌蘭州定西州
大旱饑至順元年秋七月鞏昌路各州縣隕霜殺稼八月己酉隴
西地震二年春三月己卯熒惑犯鬼宿積尸氣三年夏五月甘州
雨雹己巳天鼓鳴于西北癸酉熒惑犯東井丁酉白虹並日出其
長竟天 順帝元統元年秋八月己酉鞏昌隴西徽州等處地震

山崩九月秦州山崩冬十一月丙申成紀縣山崩地裂辛亥秦州
山崩地裂十二月癸酉太陰犯鬼宿東北星二年夏四月成州旱
壬午夜太白犯鬼宿積尸氣秋七月壬子熒惑入鬼宿積尸氣八
月秦州雞鳴山崩陷爲池方百里冬十一月丙申太陰犯鬼宿東
北星三年春二月成紀縣山隕水湧溺死者無算至元元年徽州
雨雹民饑二年夏五月秦州山崩六月戊子太白犯井宿東扇北
第二星秋七月己酉太白犯鬼宿東南星冬十一月己未太陰犯
鬼宿積尸氣三年春三月河州大雪十日深八尺馬駝牛羊死者
十九民大饑冬十月丁亥太陰犯鬼宿積尸氣十一月甲寅太陰
犯鬼宿西北星四年秋七月鞏昌山崩八月乙卯太陰犯鬼宿東
南星冬十一月丁丑太陰犯鬼宿東南星五年春正月庚午太陰
犯井宿東扇上星六年春正月丁卯太陰犯鬼宿距星夏六月成

甘肅新通志

卷二

天文志 附祥異

三

紀縣山崩地裂至正元年伏羌山崩水湧溺死者無數二年秋九
月戊子太陰犯井宿東扇南第一星三年春二月甲辰太陰犯井
宿西扇北第二星三月鞏昌成紀甯遠伏羌等處山摧水湧溺死
人畜無算夏六月秦安縣南城崩裂壓死人畜秋七月鞏昌山崩
是年慶陽大雨川流泛溢南城倒塌五年冀城地震百餘日方止
冬十月黃河溢十年夏四月丙午太白犯鬼宿西北星五月甲子
甯州山崩數十處冬十一月戊辰太陰犯鬼宿東北星十二月乙
未太陰犯鬼宿西北星十一年春二月庚寅太陰犯鬼宿東北星
秋七月己巳熒惑入鬼宿積尸氣八月戊辰太陰犯鬼宿東北星
十二年春三月隴西等處地震百餘日移山湮谷陷沒廬舍閏三
月丁丑全陝地震莊浪定西靜甯會州尤甚會州公廨牆圯得警
五百餘張長者丈餘短者九尺人莫能挽冬十月戊午太陰犯鬼

宿東北星十三年夏四月太白犯井宿東扇北第一星是年莊浪定西靜甯會州復地震十五年春正月辛未太陰犯鬼宿東北星冬十一月庚寅填星退犯井宿東扇北第二星己亥太陰犯鬼宿東北星十六年春三月兩日相盪夏五月壬辰太白犯鬼宿西北星癸巳太白犯鬼宿積尸氣冬十一月丁亥流星如杯尾長五尺餘起西北向東南行聲如雷壬辰太陰犯井宿東扇上星十七年春三月甲申太陰入犯鬼宿積尸氣秋七月癸未太白入犯鬼宿積尸氣丁亥填星入犯鬼宿距星八月癸卯填星犯鬼宿東南星九月庚申太陰犯井宿東扇北第一星冬十二月甲申太陰犯鬼宿距星十八年春正月辛丑填星退犯入鬼宿積尸氣二月乙亥填星入守鬼宿積尸氣三月丁卯太白在井宿失行于北生芒角夏四月辛卯太白入犯鬼宿積尸氣十九年夏五月丙申熒惑入

甘肅新通志

卷二

天文志

附祥異

三

犯鬼宿積尸氣二十年春正月己亥太陰犯井宿東扇北第二星夏六月癸巳太白犯井宿東扇北第二星秋七月乙丑太陰犯井宿距星八月甲辰太陰犯井宿鉞星冬十月戊子熒惑犯井宿東扇北第一星二十一年春二月丙辰太陰犯井宿西扇第二星庚辰熒惑入犯鬼宿西北星冬十一月癸亥太陰犯井宿東扇北第四星二十二年秋九月丙寅熒惑犯鬼宿西北星己巳熒惑入犯鬼宿積尸氣二十三年夏六月太白晝見犯井乙卯犯井宿西扇第二星壬戌夜入犯井宿東扇南第二星二十四年夏四月癸丑太白入犯井宿東扇北第一星五月甲戌太白犯鬼宿西北星乙亥犯積尸氣秋八月丁未熒惑入犯鬼宿積尸氣冬十月己酉太陰犯井宿東扇南第一星二十六年夏四月丙子太白入犯鬼宿西扇北第二星二十七年春二月乙卯太陰犯井宿西扇第二星

夏六月辛未太陰犯井宿西扇北第二星秋七月己亥太陰犯井宿東扇南第二星九月癸巳太陰犯井宿西扇北第二星冬十月辛酉太陰犯井宿東扇南第三星癸亥犯鬼宿西南星

明太祖洪武二年夏六月庚寅環縣大雨雹傷禾稼是年陝西大旱

饑清水縣大有甯夏指揮徐杲出兵河套

地名梧桐樹

一日午間有火

星墜于河中火發延及岸上營中有被傷者四年春正月己丑鞏昌臨洮慶陽地震六年春正月壬戌夜伏羌高山崩冬十一月壬子五緯退行犯鬼七年秋八月甲午平涼雨雹九月甲子鞏昌雨雹八年夏四月臨洮平涼河州雹傷麥十一年春二月壬戌五緯犯五諸侯三月甲午五緯犯積尸氣夏四月乙巳甯夏地震壞城垣丁卯夜風雨兇整槩皆有火光十二年秋八月戊寅五緯犯積尸氣十三年冬十二月甲戌河州地震十四年夏六月癸未辰星

甘肅新通志

卷二

天文志 附祥異

三

熒惑太白聚于井秋七月己酉臨洮大雨雹傷稼八月辛未月晝見與日爭明十五年夏四月丁亥五緯犯東井十八年春三月戊子填星歲星太白聚于井冬十月甲午五緯留鬼二十三年夏四月壬戌五緯犯五諸侯六月丁丑五緯留井二十七年龍馬見文縣東郊二十八年冬十一月乙亥日上赤氣長五丈餘須臾又生直氣背氣青赤色又生半暈兩白虹貫珥已而彌天貫日二十九年夏六月庚子五緯犯井鉞秋八月戊子欽天監言井宿東北第一二星近歲漸暗小促聚不端列冬十月癸卯五緯退入井又洪武初甯夏都督馬鑑宅所畜兔鶻忽生一卵 成祖永樂元年冬十一月甲午甯夏地震二年伏羌縣沙溝暴水滄城坊表盡沒知縣李貴昌築隄禦之夏四月戊子太白熒惑合于井五月丙午有赤星大如斗出中天西北行三年甯夏產兩歧麥數莖四年夏五月

庚寅朔五緯犯五諸侯五年春二月戊午酉和地震八年夏五月
金州大水十一年夏五月癸酉朔五緯犯五諸侯永樂中甯夏金
波湖内生合歡蓮一十三年甯夏中護衛卒魏定兒妻一產三男
十四年冬十月癸丑有星大如杯長五尺餘自三垣西北曲折行
二十二年冬十一月辛卯五緯退犯五諸侯 仁宗洪熙元年春
正月庚辰五緯留井夏四月癸卯五緯入鬼 宣宗宣德元年冬
十一月己巳有星如椀光赤出卷舌東行過東井墜地有聲如雷
二年秋八月丙辰朔五緯犯鬼丁巳又犯鬼三年夏六月甲戌五
緯犯積尸氣是年隴右大旱饑五年秋八月庚寅有星見南河旁
如彈丸大色青黑凡二十六日減宣德間甯夏有元兔二白鼠一
太監海壽購而獻之六年夏四月戊戌有星孛于東井長五尺餘
七年夏五月辛巳五緯犯積尸氣冬十月彗出西方十有七日減

甘肅新通志

卷二

天文志

附祥異

一

是年海壽又獻連理瓜二八年閏八月戊午景星三見西北方天
門青赤黃各一大如椀明朗清潤良久聚半月形 英宗正統元
年夏五月戊寅太白犯熒惑于井秋九月丁巳狼星動二年真甯
縣自夏至秋大雨雹秋平涼旱三年夏五月庚寅五緯犯積尸氣
平慶臨鞏諸府及秦河金岷四州自夏逮秋大雨雹饑四年閏二
月彗星長五丈餘西行掃酒旗迤北犯鬼宿秋八月辛未月晝見
與日爭明夏四月丁酉平涼諸府大雨雹傷人畜田禾冬十月庚
午朔蘭州莊浪等處地震十日十一月屢震壞城堡廬舍壓
死人畜八年秋八月辛丑五緯犯積尸氣十一年春正月乙未日
生背氣白虹彌天十二年甯夏產異馬白色拳毛夜行則火光見
十三年秋七月甯夏大水是年陝西通渭平涼華亭三縣山傾軍
民壓死者八十餘口十四年冬十月辛亥狼星動癸丑有星大

如杯赤光燭地自三師西北抵少彌尾跡化蒼白氣長五尺餘曲
曲西行壬申日上黑氣如煙尋發紅光散焰如火 代宗景泰元
年春二月壬午酉刻日上黑氣四道約長三丈離地丈許兩頭銳
而貫日狀如魚三年秋八月甲子星晝見于未位冬十一月癸未
有星見鬼宿積尸氣旁徐徐西行六年夏四月平涼疫五月乙巳
朔五緯犯積尸氣秋八月庚申五緯犯井鉞七年秋七月辛未五
緯犯鬼丁酉入井戊申歲星熒惑合于鬼 英宗天順元年夏五
月乙丑太白歲星合于井二年肅州災城頭塚口木咸煨燼冬十
一月庚戌有星生芒五寸犯耀位西北星至十二月壬戌沒于東
井四年夏甘肅諸府衛夏旱五年夏六月戊戌彗入井度至七月
丙寅始滅秋七月蘭州河水溢河州南山崩壅大夏河水數日不
流八年安化縣霖雨禾牛耳大荒 憲宗成化元年春三月彗星

甘肅新通志

卷二

天文志 附祥異

三

見西北長三丈餘三閱月而沒秋七月甲申五緯入鬼犯積尸氣
四年夏四月臨洮屬河州大旱饑人相食慶陽古長城羣狼出列
如行伍然癸巳歲星熒惑合于井壬子太白歲星合于井五月庚
辰五緯犯鬼癸未犯積尸氣七年秋七月庚子太白歲星合于井
冬十二月甲戌彗見天田西指巳卯東西竟天北行正晝猶見至
八年正月丙午漸滅八年春正月己卯星晝見與日爭明秋八月
漢水漲溢高數十丈城郭民舍俱淹沒九年夏四月己卯五緯犯
五諸侯十年春三月皋蘭山麓地陷坑没人畜甚多冬十月丁酉
靈州大沙井驛地震聲如雷自後屢震至十一月甲寅一日十一
震城堞房屋多圯是年靖虜衛北碾子灣黃河中有水獸出形若
黑驢其秋大熟後至嘉靖二十八年冬十二月復出直抵蘭州次
年亦大熟因名其地爲黑驢灘後或見于一條城
十一年秋八月癸未五緯入鬼甲申犯積尸氣十三年閏二月臨

洮鞏昌等處地震夏四月戊戌陝西甘肅冰厚五尺間以雜沙有青紅黃黑四色地震裂生白毛有聲如雷甯夏城垣崩壞者八十三處鞏昌甘州涼州等處同日俱震秋七月鞏昌平涼諸州縣隕霜殺稼十五年秋九月乙卯五緯犯井辛巳守井十七年春二月元鶴繞慶陽府城鳴三月甲午五緯入鬼庚子犯積尸氣十八年陝西大旱饑人相食環縣地震靈州李景芳家白鼠晝遊十九年春三月辛酉環縣隕霜甯州眞甯旱明年大饑二十年靜甯靈臺肅州等處大旱饑人相食甯夏猶生子如象羊生一羔八足二十一年春正月甲申朔西方有赤星大如椀西行化白氣曲如蛇良久轟如雷震閏四月癸未鞏昌固原及蘭州洮岷等處地俱震是年平涼鞏昌等處大旱饑二十二年甯夏衛學生胡連家黑豕變白莊浪鞏昌等處大旱饑二十三年蘭州黃河清平涼鞏昌等處

甘肅新通志

卷二

天文志 附祥異

三

旱饑 孝宗宏治元年秋九月癸酉五緯犯鬼甲戌犯積尸氣冬十一月己卯月生芒如齒長三尺餘色蒼白二年春正月甲戌日暈白虹彌天丙戌日交暈白虹彌天夏四月辛卯洮州衛雨冰雹水湧三丈是年肅州大蝗三年春三月慶陽雨石無數大者如鵝卵小者如芡實夏六月壬午朔靖虜衛大風天地昏黑變爲紅光久之乃息乙巳河州山崩地陷四年春二月庚戌日暈有珥戟氣白虹彌天夏四月己酉洮州衛雨雹及冰塊水高三四丈漫城郭漂房舍田苗人畜多淹死是年旱五年夏六月己亥五緯犯積尸氣六年春三月甯夏地震連三年共二十震七年隆德莊浪等處大饑八年春三月己亥甯夏地震十二次有聲如雷傾邊境傷人夏四月辛酉慶陽諸府縣衛所三十五隕霜殺麥豆禾苗秋七月乙酉洮州衛雨冰雹殺禾暴水溺死人畜甚多丙戌甘肅西

甯衛大雨雹殺禾及畜九年閏三月戊午平涼東南有流星如月
紅光燭地至西北既而天鼓鳴十年春正月壬子有星大如斗色
黃白光長三十餘丈一小星隨之隕于甯夏西北隅天鳴如雷者
數聲是年慶陽旱甯夏靈州鎮番等處地震十一年春正月癸亥
有流星隕于肅州大如房響如雷秋八月己卯彗星見東井十三
年夏四月甲午彗見壘壁陣漸長三尺餘指離宮入紫微垣犯尙
書六月丁酉沒四月癸丑熒惑太白辰星聚于井十四年春正月
朔平慶等處地震裂水湧出有聲如雷至望未已秋七月蘭州大
風拔木至起人于城東三十里外十六年夏四月辛亥環縣昏霧
障天咫尺不辨人物六月靜甯州黑蟲大傷禾稼吏目張思聰護
州篆以文禱于嶽祠越三日蟲盡斃秋八月庚申熒惑歲星填星
聚于井十七年秋隴右大饑七月辛亥五緯犯積尸氣十八年蘭

甘肅新通志

卷二

天文志 附祥異

七

州屬金縣產瑞麥一莖兩穗者十餘本夏六月河州沙子溝大雷
雨石岸山崩移七八里崩處裂爲溝是年慶陽地震 武宗正德
元年春正月乙酉日暈有背珥白虹彌天夏六月平虜城災徽州
河溢淹沒居民孳畜秋七月己丑有星見紫微西藩外如彈丸色
蒼白越數日有微芒見參井間漸長二尺如帚西北至文昌九月
臨洮桃生華冬十二月辛酉月暈白虹彌天甲子亦如之庚午有
星如椀隕甯夏中衛空中有紅光大二畝是年甯夏左屯衛紅氣
亙天旣而火作城樓臺堡俱盡二年夏六月固原河漲平地水高
四尺人畜溺死秋七月戊辰五緯犯積尸氣八月己亥甯夏有大
星南流而墜赤光闊三尺長五丈三年慶陽大水肅州大旱饑五
年夏六月秦州山墮傷室廬禾稼甚衆六年春三月蘭州軍器庫
大銅礮鳴是年至次年秦州饑七年閏五月丁酉五緯犯鉞六月

甲子犯積尸氣丙寅犯鬼是年臨鞏旱平涼有女化爲男生鬚後生二子涇州火星大墜八年夏四月蘭州雨槐豆十年夏五月夜蘭州有火光起自東南至西北明如晝十二年金縣白燕遍于城野十四年秋八月臨洮諸州縣大雨雹桃李重華十五年夏四月丙戌鞏昌府有星如日色赤自東方流西南而隕天鼓鳴是年臨鞏甘州等處旱十六年夏四月涼州衛忽見一星紅光如火隕于西南隨生白氣天鼓鳴冬十二月辛卯甘肅行都司狂風世宗嘉靖元年夏甯夏地震有聲如雷五月五日莊浪縣大雨雹雲中隱然龍見大水幾沒城郭秋八月乙未五緯犯積尸氣二年春正月陝西地震夏六月癸丑五緯犯井秋七月丙子五緯犯鬼三年秋九月會甯河州地震四年臨洮獲兔二首四日普覺寺雞生四足六年夏六月癸丑鎮番衛大雨雹殺傷二十餘人是年總督王

甘肅新通志

卷二

天文志 附祥異

三

瓊奏固原甘露降七年春正月乙亥日暈生珥戟白虹彌天是年慶陽平涼鞏昌大旱饑人相食八年正月立春日長星亙天七日又如之秋七月秦安縣白晝有星隕于北郊是年飛蝗蔽天臨洮隆德莊浪固原秦州秦安清水禮縣俱大旱饑九年夏六月鞏昌府雨雹傷禾冬十月夜肅州空中有火塊大如車輪落城中不見十年閏六月乙巳彗星出于井長尺許秋八月肅州火災冬十月又如之是年甯州真甯縣大旱饑十一年夏慶陽大旱蝗飛蔽天秋八月己卯彗星見東井十二年春三月肅州衛星隕有聲冬十月旣望夜莊浪縣星隕如雨十三年春二月壬辰日暈生珥戟白虹彌天閏三月洮岷地震夏五月慶陽甯州真甯縣大水溺死人畜無數是年隆德莊浪星隕如火徽州夜大雷街民有執火炬者忽奪去擲城北樓蝗從嘉峪關西來至肅州蔽日十四年夏會甯

大雷擊死棄瞽父者肌肉焦爛衣服不損六月河州大雨洪水河
溢十數丈東西六十里滄溺軍民房屋人畜無數秋七月莊浪縣
隕雪歲饑十六年蘭州大饑義民瘞死一十八坑十八年臨洮饑
餓殍甚衆肅州城西郊生員崔義地内生瑞麥有一莖二穗者餘
地亦有之是歲大稔十九年夏四月庚午甘肅洮州衛地震五月
漾水漲入秦州城西門折門關二十一年秋九月甲戌固原甯夏
洮州同日地震冬十一月秦州屬縣地震山崖崩墜塵飛蔽野十
二月丁巳鞏昌固原地震二十三年秋八月秦州雞鳴山推塞雞
川水經年不流隴水清旬日二十四年夏莊浪縣大水秋八月秦
安縣地震有聲是年莊浪縣歲饑莊浪衛災二十五年夏清水縣
弓門鎮山裂深二百餘丈長互山四月初十日肅州地震有聲如
雷大樹皆枯秋八月戊子秦安縣地震癸巳又震二十六年日光

甘肅新通志

卷二

天文志

附祥異

五

甚小晝見恆星二十七年靖虜衛文縣秦州大饑二十八年春三
月二十二日午刻靈臺縣風霾晝晦如夜秋七月慶陽大水南關
夾河兩岸二百里許廬屋貨市盡成砂磧溺死者萬餘人冬十月
朔慶陽大雷雹初九日肅州火災是年臨洮甯秦州等處大饑
二十九年夏六月庚辰熒惑犯歲星守井秋八月戊寅星晝見守
井冬十月夜肅州地震本衛餘丁杜世英妻王氏一乳三男三十
一年秋肅州大雨漂民房屋壓死獄囚七人是年伏羌縣山崩三十
二年春三月陝西大饑是年肅州大蝗起兵備副使石州張玘禱
于南壇蝗飛去關西赤斤破而死未傷禾稼三十三年秋莊浪縣
大水是年慶陽府學署御製碑亭忽有鳥跡徧室若步罡然地上
有手跡掌中二字若雷部篆文碑有草字俱不能識後授于魯國

摹以鑄之且爲之記五月如前手跡復見于太學生楊友桂門石洗磨不能去至今猶存本歲乙卯登高科者五人馬三十四年平涼厲大旱饑冬十二月陝西諸郡地震聲如雷山移地裂郡邑皆陷慶陽尤其壓死人畜無數庚申晦日忽暗有青黑紫日影如盤數十相摩久之成千百飛蕩滿天向西北而散三十五年春正月岷州衛東察院公署後堂生異菌縱長四尺許肩腹闊尺有四咫尾足亦盈尺周圍緣以雲邊結以連珠純白色中間層樓如雲乍起乍伏數月後忽見流燄從根而起閃爍于四圍近邊者少燼一二餘如故拔其根得二莖俱圓大如肘剖而視之有大如桃李形者二枚焉夏五月秦州雨雹傷田禾慶陽黑眚見自山西漸至慶陽夜捕人作害民各鳴金逐之旬餘乃息是年肅州地震彗星見平涼莊浪等處大饑人相食疫癘死者甚衆三十六年夏六月大

甘肅新通志

卷二

天文志

附祥異

三

星隕安化縣西南田鼠害禾稼秋九月大星隕安化縣西北光芒四射彷彿龍形冬十月十五日肅州地震有聲是年莊浪縣大有慶陽民馮天福妻一產三男三十七年慶陽修城南門洞六月既望工告竣工人龔就石匾太守梁公因門以災燬欲改署額方募善書者報匾已題永春門三字久之已漬入石骨矣人咸異之因鉤勒別刻于他洞額仍如所書云秋七月平涼慶陽霖雨秋禾盡損城垣廬舍傾圮殆盡死者甚衆八月莊浪縣大雨三日雲中有龍吟聲水冲田百餘頃是年隴右地震十餘次三十八年莊浪縣螟螣食稼幾盡三十九年秋隕霜三日自固原至涇州殺禾四十年春二月戊戌靖虜衛山丹衛地震夏六月甯夏固原莊浪等處地大震城垣墩臺屋宇皆摧地湧黑黃沙水壓死軍民無算踰月乃止四十一年春正月丙申甯夏地震傾邊牆夏四月莊浪縣隕

霜殺禾六月復霜年大饑秋八月清水縣隕霜冬十一月辛丑日
暈有珥上抱下軌白虹彌天四十二年秋七月戊戌太白歲星填
星聚于井八月靖虜衛隕霜殺稼是年秦州屬饑四十三年秋七
月莊浪縣諸生杜孝南畝得瑞麥一本二穗者一穎粟堅好冬十
月不雪越明年乙丑夏五月始雨四十四年秋九月二十一日莊
浪縣大星有柄自東北飛隕西南光如燃炬須臾空中有聲冬十
二月壬申五緯自井退二舍四十五年春正月清水縣石司房火
秋八月地震 穆宗隆慶元年冬十二月西甯衛星隕有光從正
北起往西南墜地二年春三月甲寅陝西慶陽甯夏等處地震甯
遠城崩夏四月癸未甯夏地又震乙酉平慶地又震是年慶陽饑
靖虜衛舍人李鳴九妻葛氏一產四男三年春三月晦伏羌縣雷
震 大成殿四年夏四月清水縣火燒民舍延及察院門坊是年

甘肅新通志

卷二

天文志 附祥異

三

靖虜衛雨莞豆食之味苦五年春三月辛巳日暈有珥白虹亙天
冬十二月初七日寅時岷州衛地震其聲自東南起振響如雷經
十餘日漸止廟宇城垣官私民舍半就傾倒居民壓死者無數是
年蘭州民家牝雞化爲雄 神宗萬曆三年冬十月岷州衛自乙
丑至壬午地連百餘震四年靈臺縣大饑六年春正月戊辰有大
星如日出自西方衆星皆西環秋七月秦州清水縣大風禾盡死
冬十月彗星見清水縣西方七年秋七月甯夏大水河決唐漢二
壩八年夏六月秦州清水縣雨至于八月乃止湯浴山崩是年彗
星見狄道西南尾長數丈光芒燭天自秋歷冬乃滅九年夏六月
文縣地震山巖城垣多壞清水縣床穰川山崩秋八月旱至次年
七月乃雨夏禾枯秋禾萎十年夏四月靜甯州野蠓害稼丙辰彗
見西北秋八月戊申太陰犯熒惑于井是年臨潼平慶俱大旱饑

十一年夏四月漢水溢是年靈臺秦州等處大饑人死相枕藉十三年秋九月戊子彗星出羽林旁長尺許每夕東行漸小至十月癸酉滅十四年日食既白晝晦人覲面不相見臨鞏平慶大旱涼永火光燭天如車輪尾分三股約三丈十五年春大疫慶陽文縣莊浪清水等處旱饑人相食流亡過半夏六月丁卯有星如斗隕于陰平聲如雷十六年夏六月西甯大旱秋七月秦州大風拔樹殺禽鳥無算八月西甯地震十九日靖虜衛雷鳴地震雨雪尺餘九月乙丑甘肅石灰溝天鳴雲中如犬吠有聲是年靈臺秦州饑西甯演武塲將旗折伏羌堡東南夜聞甲馬聲南川雲中聞犬吠聲十七年春正月庚申有星隕西甯衛大如月天鼓鳴夏五月祖厲河水溢逕靖虜衛城北東流入黃河冬蘭州桃李華十八年夏四月日中黑氣光不明者良久六月清水縣大雨二旬靖虜衛雨

甘肅新通志

卷二

天文志

附祥異

三

雪地震臨洮西甯等處亦地震壞廬舍城溝壓死人畜無算秋七月初七日夜狄河星隕如雨踰時乃止九月星晝見十九年春三月靖虜衛煤洞火出觸死者三人其一人衝起數十丈墜地首足俱碎夏四月十五日隕霜殺稼五月初七日衛百戶牛魯家有水半甕忽泛湧如泉溢白沫滿地令婦女汲之乃漩下水面有一簞字明朗可觀冬十月戊戌山丹衛地震十二月甲辰太陰犯填星于井是年蘭州河北土塊化爲田鼠食苗慶陽大饑人相食二十一年夏六月壬子太白辰星填星聚于井冬十月初二日井時有星如月墜于清水縣西北二十一年秋七月乙卯彗星見于井是年甯遠縣大旱饑二十二年文縣饑二十四年秋七月丁丑彗見西北長尺餘西北行五月秦州清水縣雨雹傷禾冬十月狄道探春花開二十五年春秦州清水縣大風折木二月初三日平虜所烈

風大作頃之參將廳脊城門樓脊瓦獸吻內生火經時方息三月
癸丑黑日二三十迴繞日旁移時不見夏五月秦州清水縣雨雹
傷禾城中亦深二三尺二十六年春正月丁亥朔甯夏地震二十
七年閏四月庚寅辰星犯太白于井秋七月臨洮鸚哥山摧慶陽
霜飛殺禾八月甲午狄道城東山崩其一沖成一溝山南耕地湧
出大小山五高二十餘丈二十八年春二月庚寅五緯犯鬼是年
慶陽大饑二十九年秋七月甯州隕霜八月十三日狄道朶秀山
崩內出一白兔三十年春三月臨洮黃河水竭自貴德千戶所至
河州凡二十七日大夏河水渾黑夏四月二十四日大夏河水又
清是年靈臺縣大饑三十一年夏河州麥穗有一本五十莖一莖
三四穗者次年麥秀多歧三十二年夏五六兩月肅州大水沸騰
崩壞大山漂流大木無數居民撈獲木上夜有火光人號爲夜明

甘肅新通志

卷二

天文志

附祥異

三

木閏九月庚辰鞏昌諸處地一日十餘震三十五年春正月庚午
日暈黑氣蔽天秋八月辛酉朔彗見于井指西南漸往西北壬午
滅三十六年春正月肅州陰霾障天狂風踰月至二月初二日大
雪降深丈餘山川禽獸死者不可勝數秋八月甯夏中衛等處地
震三十七年隆德靈臺大疫大饑夏六月十一日夜肅州狂風起
地大震壞城垣牆室廟宇壓死人畜甚衆裂東關地人生癩疹連
七八年每年地震一二次至四十五年方息三十九年慶陽大饑
四十一年慶陽晝晦如夜無風飛沙竟日秋七月涇水暴溢高數
十丈漂沒居民商貨無算四十三年甯遠縣大饑道殣接踵夏六
月二十五日地震從西北往東南有聲洪廣營傾倒城西兩月城
十三丈尖塔墩北面月城七丈四十四年秋七月二十五日莊浪
縣雷雨大作空中聞龍吟聲是年合省大旱四十五年夏六月靜

甯州黑霜隕殺夏秋禾盡潰道路以腥四十六年靖虜衛莊浪伏
羌通渭等處荒疫並作死者枕藉清水縣地震四十餘日四十七
年春長星見于東井夏五月狄道地震聲如雷冬十月蘭州樹花
盡開四十八年春二月癸丑日連環暈生背戟白虹秋八月十五
日蘭州黃河清次日復濁冬十一月靈臺縣東方有白氣形如大
刀雞鳴後見之經數月乃滅 光宗泰昌元年秋八月庚申蘭州
黃河清凡三日冬十月涇州見五星鬪少頃白氣竟天四旬乃滅
十二月文縣雨灰 熹宗天啟元年春正月初一日夜半甯夏地
震聲如雷初九日又震丙戌五緯退入井二月甲午日交暈左右
有珥白虹彌天冬十二月戊辰甯夏石空寺地震礮山石殿傾倒
壓死僧人是年會甯關寡婦家牛產麒麟光焰起野渾身斑文寡
婦以爲怪擊死凡四閱月不腐臭階州天雨灰三日日赤如血無

甘肅新通志

卷二

天文志 附祥異

三

光甯夏風霾大如墜灰片如瓜子紛紛不絕踰時而止日將沉作
紅黃色外如炊煙垂罩畝許日光所射如火焰焰夜分乃沒二年
秋八月壬辰五緯犯守鬼九月甲寅平涼隆德靜甯崇信鎮原眞
甯等處鎮戎平虜諸所地震如翻壤城垣七千九百餘丈屋宇萬
一千八百餘區壓死男婦二千餘口靜甯星隕如雨二年秋九月
甲寅固原星隕如雨四年春正月癸未日赤無光有黑子二三蕩
于旁漸至百許凡四日二月壬子日淡黃無光癸丑黑日摩盪日
旁夏四月癸酉日中黑氣摩盪五月十九日夜莊浪縣地大震凡
十四晝夜山摧地裂會甯有生子一身兩頭者關川里牛產雙麟
將獻之京師至西安城外死瘞之今城南有雙麟冢冬十一月辛
巳午刻非煙非霧覆壓日上摩盪如蓋如吞通天皆赤 丁巳夏四
月靈臺縣大雨雹麥禾盡傷七年甯夏各衛營屯堡自 己巳

至二月己亥地凡百餘震大如雷小如鼓城垣房屋邊牆墩臺悉
圮五色氣見于伏羌縣鼉山之麓自未至申而散夏大雨雹大者
如拳六月洮州衛大雪壓折松樹秋靈臺縣大雷火光遍地縣西
雷家坡震死人民是年甯遠縣大水沒東南關居民絕煙火者五
十餘家慶陽荒人有饑死者 莊烈帝崇禎元年春三月辛巳昧
爽天赤如血射牕牖皆紅是年階州靜甯州旱環縣牛產一犢雙
頭四目二年冬十一月天鼓鳴如雷是年蘭州真甯等處地震平
涇鞏慶等處大旱饑人死甚衆又慶陽豬產一狗白色長鼻與象
相似踰時死三年春三月己酉五緯入井退舍復羸居數月又入
鬼犯積尸氣夏四月己卯復犯積尸氣是年隆德縣不雨自四月
至八月飛蝗蔽天父子相食甯遠縣紅嘴山崩場垣俱亡場禾在
樹周生川莊一夕移于山上四年春正月戊戌日色如血照人皆
甘肅新通志

卷二

天文志 附祥異

三

赤二月乙巳朔日赤如血無光乙丑夜通渭龍見火光燭天自南
而至夏六月乙丑臨鞏等處地震壞廬舍損人畜冬至夜五鼓天
震一聲如礮火光迸裂落華亭縣如弓曲狀移時方沒五年春三
月西和大風自北而南晝晦屋瓦皆飛冬十月十三日夜成縣地
震十一月西和地震十二月十五日成縣地震七年春二月文縣
雨泥三月朔晝晦夏五月西和雨雹如雞子大白鹽官至石堡鎮
禾苗皆損秋陝西全省蝗各州縣大饑七月十三日成縣地震有
聲自東南來次日又震連數日不止閏八月丁未五緯犯積尸氣
冬全省地大震壞屋傷人無數是年靈臺縣旱又雨蟲似麩蟲而
小甯夏鼠十餘萬銜尾食苗八年夏蘭州饑狄河荒餓死甚衆九
年春日晦似血三月靈臺縣忽有風自西來白晝如晦甯遠縣地
震冬十一月壬子靈臺縣地震是年至次年秦州屬縣連年旱饑

十年秋七月朔黎明慶陽人身有火彼此皆見衣冠不然是月甯
遠縣大雨雹形如雞卵南馬塢鎮下寨關聖廟棟產蓮一枝九月
每晨夕天色赤黃是年甯夏平涼等處大旱蝗飛蔽天禾穀立盡
十一年冬十一月癸巳日中有黑子及黑青白氣癸亥日入時日
光盪摩如兩日是年靈臺莊浪環縣河西諸郡蝗蝻食禾甯甯黑
鼠傷稼十二年夏六月通渭縣大雨雹秋靈臺縣蟲食蕎八月十
六日隕霜殺禾是年秦州屬縣蝗巡道喬遷高率官民捕之禾苗得以無害關山中鼠
化鶴鶉者以數千計鴻雁數萬環飛慶陽府城上去屋咫尺矢石
不驚移時乃散十三年秋九月己巳兩日並出辰刻乃合爲一入
時又分爲二是年全陝大饑人民十死八九平慶等處蝗飛蔽天
落地如岡阜十四年春二月靜甯州雨土夏四月二十日階州地
震五月戊子甘肅地震是年蘭州狄道大疫秦隴州縣大饑人民
死者大半伏羌縣大雨雹飛蝗蔽天秦州禮縣同日地震裂水出
惟靈臺縣麥秋頗熟甯遠縣東郊有嘉禾一莖九穗是年大有奈
河賊蹂躪人有不得食者十五年春正月階州雨土泥夏四月靈
州鎮原莊浪等處田鼠食禾幾盡秦州濛水溢漂溺城南民畜五
月朔靜甯州夜雨次日蝦蟆滿城冬十月蘭州桃李華十六年春
二月中夜半天鼓鳴如雷有星西流夏五月望兩月見于靈臺縣
西方秋八月地震日出日落常有黃氣背弓白虹貫日冬十月隆
德縣流星隕東南聲如雷初三日中衛黃河水一夕驟合香山寇
因之渡河劫擾鎮清柔遠二堡是年秦州虎頭山崩山下關家莊
墳壓無遺惟一佛寺移數里外一椽未損十七年春三月壬寅日
色無光者兩旬是年秦州有二山相距甚遠民居其間者數百萬
家一日地震兩山合居民並入其中

甘肅新通志

卷二

天文志

附祥異

三

國朝順治元年春正月日中有赤氣數道夜月赤如血北斗不見二年

春太白經天見秦分廣武營等堡麥秀兩歧三年春正月太白經

天見秦分夏蝗自中衛東來飛蔽天日不落田間有飛過河南者

邊外數十里沙草盡四年涇州及莊浪衛等處飛蝗食苗稼五年

夏四月蘭州屬雨雹五月靈臺縣靈雨經旬大傷麥豆是年甯遠

縣大水傷禾稼六年四月入夏後莊浪縣風霾大作翼日繁霜麥

禾盡萎岷州久不雨官民致祝于城北湫神是時湫池之水盡涸

於池水光明瑩激之不濁味甚甘美試以茶經日不變俄而風起雲蒸霖雨如注是年岷州

大有兩當縣地震裂湧出黑水山崩壞民舍壓死人畜無數半月

始平七年夏四月十九日靈臺縣隕霜殺稼兩當縣牛盡斃八年

冬十二月鎮原縣梨生花是年通渭縣大稔階州莨生象騾生象

九年春三月莊浪縣見瓠瓜星芒耀西方夏五月初四日靈臺縣

甘肅新通志

卷二

天文志 附祥異

三

大雨如注河水泛漲迅雷震死人六月初三日靜甯州黑霜殺稼

初五日秦州濛水暴漲沖東關漂溺人畜初六日卯時靈臺縣雷

電火光大作雨猛晝晦河水泛漲大損麥禾穀豆十三日秦州濛

水復溢入東關十五日又沖中城後寨諸處秋七月秦隴大水是

年莊浪縣大稔階州地震月餘城垣盡頽民屋多壞至次年文縣

張行宇家牛隻兩產麒麟十年夏五月臨洮雨雹二十一日靈臺

東原大雹傷麥抵省城止六月紫胖蟲生遍食穀禾知縣黃居中

祭於八蜡廟隨有烏鴉遍地啄食紫胖蟲禾不為害安定縣雷雨暴至平地水高數丈湮沒

居民甚多秋八月莊浪衛果樹生花禮縣地震冬十月十一日夜

靜甯階州天鼓鳴後一星隕十一年夏五月靜甯州西河澄清六

月臨鞏平慶等處地震有聲如雷壞房舍壓死人民甚衆十二年

春二月初旬大雨六十餘日平涼天雨蕎麥豌豆煮之皆成紅水

夏四月初四日慶陽雨雪秦州屬縣亦然次日降黑霜果木萎死
伏羌縣雨雪形如菽實靜甯州有異獸遊於西北野白質黑文時
謂騶虞是年安定縣地震數月傾倒房舍壓死人口十三年靜甯
州靈臺縣自春徂夏不雨秋九月十一日莊浪縣暴風大作是夜
雪花如翼平明深數尺樹多摧折連日未消是年冬熱無雪平慶
連旱二年十四年春二月二十五日未刻莊浪縣飛沙眯目咫尺
不辨三月靜甯鞏昌雨雪中有穀菽種之成苗冬十月十二日夜
有赤星如斗隕於清水縣西北空中有聲如雷是年日食三次月
食一次十五年春靜甯州大風折木飄瓦夏大雨雹害稼傷六畜
六月莊浪縣廣盈里王文甫莊牛產驢駒是年慶陽稔十六年春
正月合水縣煖泉蹇家溝馮自省妻一產二男一女冬十一月莊
浪縣杏生花結子如梅是年甯州狼行成羣食牛慶陽大稔十八

甘肅新通志

卷二

天文志 附祥異

三

年文縣向化里麥秀三歧成縣生員王榜地內大麥有一莖三穗
及四五穗不等 康熙元年春正月二十五日伏羌縣地震夏五
月秦州屬縣大雨至十月乃止禾盡傷兩當縣迅雷七日暴雨山
崩秋七月十二日靜甯州大水雷雨連晝夜震 文廟坊吻長源
河水大發自北峽泛漲夏禾盡沒稍殺復排山出湮沒莊堡人畜
無數二年夏六月秦州屬縣冰雹傷禾幾盡是年饑三年夏六月
秦州地震秋七月河州雷雨大作井溝山崩壓死居民二十餘口
村莊陷沒是年彗星見長丈餘自翼軫經東井止於婁厯十五宿
而隱四年秋八月河州雷電暴發東鄉下頭溝二山相合壓埋哈
刺禪家里民七十一口牲畜無數獨一婦抱幼子手把馬蓮草臥於傍山之頂視之居處莫辨人
以爲異事云是年莊浪西甯大稔五年秋涼州陰雨時行七月有星孛
於清水縣西南是年蘭州旱莊浪縣三冬無雪越明年丁未夏四

月不雨閏四月雨六年冬十月階州山鳴十一月二十五日西甯沙塘川河冰夜忽雨分人咸謂麒麟行是年臨洮鞏昌西甯慶陽靜甯莊浪等處旱饑兩當縣雨雹大尺許積滿山谷涼州大稔鎮番徭白海中孽魚甚繁民藉之療生後竟無寸鱗久之水盡涸七年伏羌縣春旱秋潦靜甯通渭清水大饑古浪大稔九月階州桃生花冬至後二日雷鳴八年夏徽州麥雙穗秋九月階州桃生花九年甯夏黃河水溢淹靈州南關居民冬十一月夜通渭有白氣如虹自南而北十年冬十月通渭縣星隕如斗大紅光燭天十一月清水縣晝有星墜於西北空中有聲是年階州饑鼠噬牛羊十一年夏五月通渭縣隕霜殺麥徽州西和地震木門里數村匯爲巨浸十二年春二月彗星出莊浪所西方長一丈凡一月是年禮縣雨雹傷禾十三年夏五月甯遠有聲如雷隕一星爲紅石冬十

甘肅新通志

卷二

天文志 附祥異

三

二月涇州天鼓鳴是年階州地震彗見禮縣西方涼州西南十四年夏清水縣雨雹傷禾秋大雨月餘十五年秋清水縣雨雹傷禾八月皋蘭縣西方天鼓鳴聲如雷是年階州地震五月餘牆垣傾頽壓死人畜甚衆十六年夏六月秦州南湖池蓮有並蒂者數枝禮縣黑峪里麥秀三歧秋八月臨洮府天鼓鳴於西方聲如雷河州大夏河溢沖沒民廬田產無數階州地震牆宇傾頽壓死人畜數月乃止是年固原大稔十七年春冰初解安定縣西湖池內開冰花數十種本葉分明經日不釋夏四月有星孛於清水縣西方六月禮縣黑峪里土城麥秀三歧者數本秋清水縣大雨二月是年階州地震雨雹十八年靈州惠安堡生員張壁家豬生八子皆有肉角四目三日五足者旋死階州地震樹鳴雨雹十九年冬十一月朔臨洮見白氣自西指東後漸高下有小星月餘乃滅二十

年夏六月秦州水月寺池蓮並蒂白鶴至清水縣蟲食豆盡階州
地震秋七月大雨彌月江水漲溢沖決隄岸五十餘丈水由甄城
下南門入深三尺許至鼓樓傾倒民房千餘間二十一年秦州關
帝廟產五色芝二十二年秋七月靜甯州南河水橫流湮傷禾畜
是年旱清水縣蟲食豆文縣民張汝才妻一產三男二十三年春
三月靜甯彗星見于西南甯夏天鼓鳴於西南夏秦州甯州旱四
月二十三日靜甯州隕霜殺禾盡秋秦州雨兼月七月甯州暴雨
大作河水漲溢漂沒田園城不沒者數版冬渭水清莊浪所樹木
根枝凍冰三寸許十月甯州饑二十四年夏秦州旱兼月秋雨月
餘冬平涼縣李生花是年平涼靜甯涼莊大稔二十五年春涼州
屬大雪連月歲大稔夏清水縣旱二月餘二十六年夏五月初四
日靜甯州冰雹傷禾六月甯夏地震二十四日文縣冰雹盈城據

甘肅新通志

卷二

天文志

附祥異

旱

大如雞子剖之內有小魚松苔二十七年夏四月朔日食既晝晦
如夜尋復二十九年靖遠衛饑三十年崇信大稔三十一年靜甯
清水兩當旱疫死者無算慶陽涼州歲饑三十二年慶陽屬又饑
民就食郡城者衆三十三年靈州民王邦彥妻一產四男三十四
年夏六月甯夏西甯大雨水溢秋八月初旬中衛隕霜殺草禾俱
槁是年平涼府地震慶陽大稔三十五年慶陽大稔肅州南鄉妖
氣作祟拋甄飛石平涼縣朱橋松家園產靈芝一本高尺餘大如
盤盂五色俱備三十六年至次年慶陽連稔三十七年階州城南
麥秀雨歧間有四五穗者三十九年鎮番白亭海水潮丈餘井水
泛溢四十年臨洮屬及靖遠衛旱饑西甯衛賈文舉妻一產三男
四十一年涼州屬大雨雹傷稼四十二年靖遠鎮黃川麥秀雨歧
環縣歲歉秦州老民李剛年一百四歲甯夏老民莫進忠年一百

二歲肅州老民于國良年一百歲高臺所民李白友妻一產三男
四十三年春三月慶陽黃沙蔽空日出無光平涼府地震夏五月
靜甯州不雨秋七月甯遠地震山丹衛馬營墩兵杜養真妻一產
三男八月眞甯地震九月安化環縣地震四十四年夏六月狄道
隕霜殺禾四十五年夏四月靜甯州通邊鎮白楊開花狀類紅蓮
四十七年春三月甘州民邢掌妻一產三男二十五日涼州晝晦
如夜禽鳥死者無算夏靈州城井中有龍時首尾或一見蟠數日
忽大雨霹靂騰空而去古浪靈臺大稔涼州大疫甯遠有星隕涇
州亦然星過天鼓鳴秋七月西安堡地震泉源壅塞四十八年靈
臺縣大稔秦州槐樹生蓮花二春三月古浪所霾起自西北晝晦
如夜秋九月十二日涼州西甯靜甯固原甯夏等處地震傷人中
衛尤甚河南各堡平地水溢魚遊推出大石有合抱者井水激射

甘肅新通志

卷二

天文志 附祥異

望

高出數尺壓死男婦二千餘口自是震動無常人率露棲年餘始
定冬莊浪所阿壩嶺等處地震傷人靖遠衛地屢震有聲摧塌邊
牆一千六百六十丈七尺墩臺二十座民房二千餘間壓死男婦
三十二人至次年正月朔復震四十九年春三月初七日申刻黃
氣自中衛西起互天忽大風拔木壞民居天晝晦者四日官飭民
間寒食以防火是年靈臺縣稔環縣地震五十年靈臺縣生員孟
鐸妻一產三男五十一年夏四月初九日靜甯州大風折木摧南
城樓是年慶陽古浪等處饑五十二年平涇旱饑五十三年春二
月初十日慶陽府城外雨蕎麥夏禾無收環縣及平涇屬亦旱饑
靜甯州地大震五十四年臨洮靖遠固原旱華亭環縣稔五十五
年夏四月辛亥靜甯州大風拔木頽垣六月丁未西河清訖己酉
五十六年夏四月固原州安甯堡等處黃河清是年伏羌渭水涸

五十七年夏五月二十一日臨洮鞏昌秦州平涼慶陽甯夏等處地大震傷人畜秦安尤甚五十八年蘭州黃河清崇信隆德靜甯環縣旱饑五十九年暴雷震一人於通渭縣城南川雲霧垂地火光燭天渭水赤三日是年至次年夏臨鞏平慶等處旱饑六十年涇州莊浪通渭稔伏羌安化雨蕎麥秋大稔六十一年涼州旱雍正元年河州大饑餓孳甚衆通渭縣大稔二年秋八月秦州大雨雹經日不散擊死牛馬鳥雀無數禾盡傷是年環縣獻雙歧瑞麥各五莖狄道劉守舉母韓氏年一百七歲老民祁增願年一百二歲平涼老民陳守諫秦州老民丁守會竝年一百一歲臨洮衛老民周隨安鹽茶廳老民張友竝年一百歲三年冬十一月朔環縣地震壞廬舍四年春西和雷雨木門里海子中起烟霧有蛟龍飛出之狀其水遂涸至今皆成良田秋七月十三日寅時慶陽府

甘肅新通志

卷二

天文志

附祥異

望

大雨盈尺北門水洞積四五尺沖塌火藥局附近居民多傷雨息龍尾見於雲霧中冬十二月黃河澄清二千里是年通渭縣大稔五年夏慶陽屬旱六月初九日大水府城兩川河水泛入南關秋八月清水縣冰雹傷禾武威藉田產瑞穀共一百七莖是年合水地震八月永昌大稔古浪黃鼠害稼六年蘭州雨雹涼永大稔麥穗長五寸許七年蘭州靖遠春夏大有秋禾災七月靜甯州雨雹傷稼西甯碾伯穀穗兩歧會甯通渭大稔八年夏五月中旬洮西四十里古鳳山崩六月甯夏麥秀雙歧又產瑞穀一莖九穗蘭州藉田亦產瑞穀三穗至六穗共十三莖壬寅河州慶雲見厯午未申三時初十日夜伏羌縣沙溝暴水決隄溺死六十餘人秋七月古浪雨雹二壩傷禾麥小者如卵大者如拳壬申河州積石關上下黃河清三日凡百八十里是年大有合水正甯地震九年秋七

月固原鹽茶廳民吳丕妻石氏一產三男慶陽陰雨連綿秋禾不實八月二十日隕霜十年夏四月初八日狄道有流星從良震起光燭天落於洮西坤方是年沙州水沖民舍春軍營五色雲見甯遠大將軍以 聞十一年夏六月十九日夜沙州山水驟發北門民戶被水沖塌房舍五百七十八間閏十月甯夏霜花雪縵四十餘日十二年肅州雙樹墩屯田嘉禾生一莖六七穗五六叢之盛十三年慶陽自春徂夏不雨五月二十六日始積雨四十日是年清水禮縣肅州星星峽等處大水 乾隆元年秋文縣颶颹害稼是年固原大稔二年會甯旱三年夏四月文縣地震六月涼州屬螟害稼冬十一月靖遠慶陽甯夏地震平羅北新渠寶豐中衛香山等處尤甚一時地如奮躍土皆墳起斥裂數尺或盈丈水湧溢其氣皆熱村堡城垣隄壩屋舍窰莊盡倒壓斃官民男婦五萬餘

甘肅新通志

卷二

天文志

附祥異

三

人闕十餘日土人有掘窰搜物者洞開而人猶生白云探盆中粟嚼之得不死是年涼州屬縣螟特蝨賊害稼四年夏四月通渭隕霜殺麥西甯碾伯縣因久晴後積雨稞豆皆秕細不收冬十一月二十四日涼州地震是年有鶴止於秦州伏羲廟柏秦安縣北山崩隴水壅不流者數日五年夏五月二十五日夜濛水漲漂沒秦州房肆溺死百餘人通渭縣大水彗見東北方秋九月有鶴棲於兩當縣 文廟柏上是年鞏秦慶等處旱澇不均歲大歉六年冬十一月正甯縣地震是年隴右諸州縣大饑莊浪縣歲貢生楊國樸地內麥穗兩歧成縣竹成實四野繁盛里人呈驗狀如青稞稍充肥外色青黑肉如麥米色白味淡美時秦隴之民數千就食成地採以充糧知縣黃冰取數斗分上當道七年通渭縣大稔是年至十一年西甯碾伯大通貴德歲連熟八年夏慶陽陰雨浹旬靜

甯州見彗星經天自十一月至次歲正月始沒十年秋七月隴右大雨水渭河兩岸禾淹沒無存秦州藉水溢漂沒田園八月晦夜慶陽雨雹傷禾十一年春三月禮縣閭井崖城雨雹傷禾及畜產十二年七月二十五日安化縣未時雨雹申時止夏禾無收秋禾亦傷是年皋蘭通渭大旱十三年秋七月禮縣賈家里暴雨水沒房舍溺人畜冬十月朔環縣地震十四年春二月中衛田蛙化鼠遍地生至夏傷禾歷秋冬彌野皆是其先人家所畜猫犬捕食之後猫與鼠戲不復捕鄉人每掘一窟鼠多至數十有尙半蛙形者次年春始滅十五年秋七月正甯縣秦家店旅舍有龍破屋而升俄大雷雨是年蘭州通渭大稔十六年秦州仁壽山崩十七年通渭古浪大稔十八年大雨黃河水溢漂沒皋蘭廬舍田禾甚多慶陽洪德城大水高家原大雨雹通渭縣大稔十九年春三月朔慶

甘肅新通志

卷二

天文志 附祥異

四

陽風霾蔽天色赤日無光自辰至未方止二十年夏四月合水正甯亡麥六月雨雹秋大水七月隕霜殺稼二十一年秋八月慶陽淫雨歲歉是年秦州邽山之陰山鳴有聲人畏避之數日山崩二十二年夏大雨雹皋蘭被災二十七村莊五月初七日中衛近城田禾亦被傷雹有大如胡桃雞子者至六月初六日黃氣自西北起大風晝晦室中點燈其風氣觸人皆鬱熱是年古浪大稔二十三年春慶陽旱夏五月莊浪環縣大雨雹秋正甯淫雨合水生蟲冬無雪是年至次年撻喇赤堡大旱二十四年自春徂夏隴右諸州縣大旱饑通渭雨雹慶陽有秋二十五年通渭夏饑秋稔環縣羅山溝七狼羣遊中有狗二冬慶陽無雪是年莊浪大稔靖遠亦然疫癘大作死者甚衆二十六年春二月初八日慶陽安化縣風雨蕎麥形似而小初十日雪夏六月雪二十七年夏會甯旱秋隕霜殺

稼正甯亦然有鶴集於秦州七月古浪雨冰雹禾盡偃冬十二月有鶴集於秦州三陽川神祠中至次年正月乃去二十八年正甯鎮番大稔永昌大饑二十九年春正月清水縣民喬國祥妻王氏一產三男夏五月永昌大疫秋八月通渭縣雨經旬地大震六日乃止是年會甯旱正甯大稔三十年夏六月會甯縣雨雹秋七月地震城垣多裂十八日辰時伏羌縣地大震倒塌房屋二萬八千七百零壓傷人口七百七十零乾隆中華亭縣大雨雹瓦室止餘數稼三十一年通渭縣大稔三十二年通渭大稔白鹿遊於固原三十三年秋七月靖遠隕霜殺稼永昌淋雨五十日禾盡生耳是年通渭縣大稔三十五年秋七月日暮時靖遠縣及撻喇赤堡西北天赤直貫天心中有白氣如椽林林至曉乃沒八月初一日甫夜永昌縣朱霞亙西北光華萬道彌望無垠是年蘭州鞏秦各屬

甘肅新通志

卷二

天文志 附祥異

望

大饑疫死頗衆三十六年通渭縣春大疫秋大稔會甯洮州大饑餓殍盈途三十八年夏六月撻喇赤堡寺兒灣一帶冰雹大如李實落地尺餘數日不消三十九年秋八月永昌縣雷迅鳴雀死無算四十四年日面有黑斑閏六月而滅西甯大雨雹秦州屬及鎮番等處大旱饑四十五年夏秦州屬旱饑四十六年春三月永昌縣雨雪如捲絮是年鎮番縣彗星見皋蘭老民范維生年一百一歲四十九年春二月大星隕於通渭縣東北隆隆有聲白氣如虹冬十月永昌縣東郊民園梨楸杏樹徧開花五十年春三月初八日永昌縣大風霾拔木越二日地震是年徽縣老民張某年一百歲五十一年夏五月通渭縣隕霜殺麥是年舊洮大旱五十二年皋蘭會甯旱五十四年清水縣木連理五十五年夏鎮番縣大疫五十六年清水縣大稔五十七年秋鎮番縣麥秀二歧八月有鶴

集於清水縣 文廟柏上九日乃去歲大稔五十八年清水縣大稔五十九年夏五月華亭縣大雨雹麻禾一空是年清水縣大稔六十年正月朔日食不見 嘉慶元年華亭會甯通渭春夏大旱六月華亭大雨雹三次山間有如牛大者秋會甯通渭大稔是年狄道老民楊正年一百歲三年固原通渭大稔四年階州大饑古浪麥秀雙歧有長四寸許者八年夏秦州屬大饑鎮番縣大稔九年皋蘭老民海三魁年一百三歲靖遠縣大稔十一年靖遠縣大稔通渭縣大饑十三年夏四月靖遠縣隕霜殺禾通渭縣雨雹閏五月二十四日暴雨凡三日黃河水漲東灘什川堡二十七村莊房屋田畝多被淹沒十四年鎮番縣大稔十五年夏六月禮縣暴雨沖塌北關水隄是年皋蘭金縣靖遠撻喇赤堡會甯等處大旱饑十六年秋七月靖遠縣及撻喇赤堡永昌等處大疫死亡相半

甘肅新通志

卷二

天文志 附祥異

異

八月彗星見於通渭縣西北大如斗尾長丈餘光芒射人數月而隱是年永昌饑十七年秦州屬及鎮番永昌等處大饑十八年靖遠及撻喇赤堡一帶田土化鼠食苗過半鎮番縣彗星見數月始滅十九年靖遠民張守和妻王氏一產三男西甯縣大雨雹二十年冬十月二十日蘭州城西南門火藥局焚轟壞樓堞廬舍死者數十人二十一年洮水溢沖沒狄道田地一百四十三頃餘溺死男婦六十餘人二十三年秋七月初五日狄道州東山崩壓陷田地三十餘畝二十四年靖遠縣大稔二十五年春正月初九日鎮番縣地震有聲如雷自西北來 道光元年秋七月涇州靈雨河溝漲溢沖沒通濟橋淹壞人畜房屋禾稼甚多是年皋蘭縣西甯縣大稔二年冬十一月鎮番縣桃李重華三年夏五月禮縣暴雨漂溺村落田園是年中衛宣和堡民吳興之妻一產三男四年靖

遠黃河清自夏徂冬皋蘭靜甯西甯及鞏秦屬大饑五年夏五月皋蘭大雨雹秋八月鎮番彗星見初九日皋蘭復雨雹金縣金川里附近五十九村莊被水清水鎮九村莊又被水是年靖遠通渭等處大稔六年春三月彗星見肅州西方二十餘日方滅夏五月黃霧漫天烈風拔木三日始息是年喀什噶爾張格爾滋事各省官兵奉調路過金縣清水定遠兩驛水泉湧出用之不竭七年夏大雨金縣太平堡二十五村莊地畝多被沖剝秋七月皋蘭黃河水溢漂沒諸灘廬舍田禾是年階州麥秀兩歧狄道民潘永周妻一產三男八年夏階州北河決隄西關鋪舍田園盡成沙磧漂流西城門扉至蹇家坊是年靖遠大稔十年春三月二十八日卯時中衛天忽昏黑室內然燈至午天始大明蘭州府大風晝晦是年皋蘭縣雨雹新疆逆回滋事大兵路過金縣清水定遠兩驛泉復

甘肅新通志

卷二

天文志 附祥異

畧

湧出十一年春正月十三日狄道天鼓鳴既止有火光大如斗照耀村郭同白晝夏六月州南黎家窪山崩壓死男婦二十五人十三年皋蘭狄道等處夏旱秋蟲十四年皋蘭狄道等處夏旱莊浪及秦州屬饑十六年皋蘭狄道等處夏旱古浪大稔十七年皋蘭狄道等處夏旱中衛宣和堡麥秀兩歧十八年夏五月通渭大雨雹秋皋蘭狄道等處雨雹通渭復雨雹是年固原大稔靖遠大旱永昌山丹大饑道殣相望十九年夏皋蘭狄道等處雨雹秋隕霜殺禾是年莊浪大旱二十年春三月朔日食星見辨物不清是年日面有衆斑聚歷八周而滅皋蘭金縣狄道等處大旱二十一年夏皋蘭狄道等處雨雹文縣臨江驛麥秀三歧秋城外穀亦四五歧冬彗星見肅州東方十餘日方滅是年皋蘭黑石川民李廷簡家豬產一象其家人不識爭擊之每擊大聲鳴吼身暴長力擊之

乃斃二十二年夏狄道田禾被水四月初八日秦州隕黑霜秋皋
蘭狄道等處雨雹是年清水縣大饑二十三年夏六月文縣大雨
江水漲溢沖決南城癸未洮州廳大雨雹傷稼劉順泉尤甚是年
金縣發隆山下甘泉出二十四年夏五月二十一日酉刻金縣烈
風雷雨二時許金川里平地水深尺餘淹斃八人得生者二十餘
人浩亶橋沖沒無存二十五年春正月二十六日白蓮賊窺伺水
洛城東堡紳民禱於方神忠烈侯像前忽空中風馬雲旂飛塵揚
沙賊懼而遁二十六年平涼縣大饑二十七年夏六月十一日西
甯縣北川郭家塔爾山崩南川田家寨北山崩壅塞河道沖倒房
屋邑民避居高阜福神廟次夜雷雨復作水高數十丈棲廟者皆
淹斃秋七月皋蘭縣山崩是年山丹縣大稔狄道老民田中賢年
一百五歲魏光世王剛李大學竝年一百三歲王世美王萬雄竝

甘肅新通志

卷二

天文志

附祥異

異

年一百二歲袁柏林雍都存張加啟竝年一百一歲王永清李天
良王丕忠楊仲竝年一百歲二十八年秋八月皋蘭黃河水溢諸
灘廬舍田禾漂沒甚多癸巳清水縣大雪禾盡偃是年固原陰雨
四十日清水河漲溢永昌大稔二十九年秋七月西甯縣大雨雹
北川上鮑堡山崩八月民人張俊倫妻王氏一產三男是年莊浪
大旱固原大稔三十年夏皋蘭縣旱五月十二日兩當縣暴雨漂
沒人畜水沖入城垣壞 文廟坊及泮池並街房居廬六月靈州
山水大發東路數牌被災甚衆湮沒田禾廬舍無算是年黃河水
陡漲東灘湮沒無存沿河一帶受災甚多甯遠地震房屋傾倒人
有壓斃者 咸豐元年春通渭秦安大霧日無光秋禮縣霖雨四
十餘日地曳山崩大傷禾稼冬十一月初四日日面有黑斑二十
九日亦如之是年狄道柳林溝起蛟水高數丈淹沒室廬人畜無

算二年春正月通渭秦安大霧至四月乃止三月十六日夜大風從涇州西來甚狂猛聲若雷黑霧四塞行人觸風卽迷至有仆於道旁者歷一時餘風過霧散地上盡黑沙沾屐成黑色越翼日上午始滅夏四月初八日中衛地大震轟轟如雷者三次地裂房倒湧出黑沙泥壓傷男婦數百口自是震動無常月餘始息五月初五日丑刻肅州狂風大作拔木近千株約一時許方息六月朔夜半狄道馬銜山裂火自地中作光燄燭天照耀山川至明始滅是月禮縣暴雨被災者衆冬十月初四日夜有星入月中是年金縣大饑三年春三月十六日午後中衛西北有黃黑氣二道忽起忽落有頃黃氣消滅黑氣直衝天際向東南飛奔二二三里許卽時黑暗對面不相見雖燃燈燭光彩盡蔽久之黑轉爲紅微能分辨物色然房舍人物盡似血染旋卽狂風大作沙礫飛揚入夜漸息十

甘肅新通志

卷二

天文志 附祥異

異

八日靈州晝晦咫尺不見人越翼日始明四年夏五月孽龍降西甯縣西納川深山臭聞數里秋七月蘭州蘭山書院書庫災五年春正月皋蘭縣不雨至於四月夏清水縣大疫是年金縣狄道大稔大通縣西十里塔破山崩六年皋蘭縣大稔七年夏皋蘭縣旱五月西關火延燒塵肆二百餘間閏五月大風拔木冬十一月十三日戌時山丹縣有聲如雷是年平涼縣饑八年春三月十五日固原晝晦至翼午始明秋七月初間大通縣大雪約厚二尺壓折樹枝穀皆凍稗不收是年永昌大稔九年夏六月彗星見肅州良方二十餘日方滅未幾又見坤方星高且大三十餘日方滅是年河州東川夜起紅燈近視卻無文縣民人張志元妻一產三男十年皋蘭縣旱冬無雪有大星孛於天河西十一年春三月十七日階州雨雹大如雞卵深三四尺許溺死人甚衆夏四月西甯縣

大風拔中柴莊嚴氏園中古松元明時物也鄰莊大樹亦被吹折
五月彗星襲斗長竟天六月彗星見於狄道西南靈臺西方光長
數十丈自夏徂冬乃滅秋八月朔蟬來鳴沙雞北嚮羣飛蔽日彗
星出海城縣正北至同治元年五月始滅是年皋蘭通渭秦安大
旱甯遠地震東鄉尤甚 同治元年夏皋蘭縣旱通渭秦安白鶴
來六月狄道鳳凰山有聲如雷數月不息大通縣雨雪冰九大如
雞卵田禾盡傷園蔬不留遂成饑饉秋七月狄道大旱蝗孽秦屬
亦蝗夜有白氣自通渭秦安東北橫西南雌雞化雄草木重華閏
八月皋蘭縣地震有聲自良方來是年彗星見於靖遠又見於固
原西方又見於涇州東北永昌西北初起尙微漸長大光芒閃爍
歷三年乃滅丹噶爾竹開紅花冬十月河州每日日落時黃霧瞶
人眼二年夏六月皋蘭縣瘟疫大行肅州日昃時乾方起黑氣一

甘肅新通志

卷二

天文志

附祥異

辛

道長竟天半夜方滅秋皋蘭縣南山及靈臺階州等處多蝗三年
夏五月朔夜二鼓有大星赤如血丸墜於河州城北鄉孟家溝礮
地火裂半時方熄是年皋蘭縣鵲巢於地沙雞羣飛新關民家豕
連生十四子後產一子與畫象無殊越數日斃縣門西民家豕生
一象未幾亦斃靜甯州大稔甯州圪堵楊家羊產一羔首有五角
東樂五臺地方漏再下羣雞爭飛四年肅州自春正月至二月天
久陰無雨雪日色無光者二十餘日二月十五日辰時日顯三珥
一時許三月甯遠清水蝗夏四月十四日日落後肅州巽位有白
氣一道通渭秦安有聲鳴如鼓火光西現如星隕清水縣北山亦
有火光至秋七月乃息是年皋蘭靖遠西甯大饑固原山崩彗星
見於古浪西方五年春皋蘭靖遠薦饑人相食河州亦大饑斗麥
錢八千夏靜甯南鄉一帶蝗害稼五月通渭秦安大雨雹涇州永

日疫大作死者無算涇州民於七月內度歲以禳之是年至次年
靜甯東方彗星見六年春三月靜甯霜屢降寒氣逼人堅冰在鬚
夏皋蘭金縣莊浪大旱饑秋合水大疫十死三四通渭秦安亦大
疫作除夕以禳之七月鞏秦屬大雨至八月乃止七年春皋蘭縣
大旱饑閏四月涇州大饑人相食新瘞死屍食之殆盡秦安縣亦
大饑斗粟錢十千有餘十室九空草根樹皮掘食淨盡死者無數
五月皋蘭金縣大雨至七月初旬止晴則犬吠日黃河水溢漂沒
諸灘廬舍靖遠大水通渭秦安秋稔冬十月初一日莊浪暴風夜
大雪平明深數尺樹枝壓折十八日西甯縣星隕從東北向西北
落大如西瓜有光是年自秋經冬皋蘭靖遠大疫死者甚衆平涼
靜甯莊浪固原靈臺鞏秦屬及永昌等處大旱饑古浪大稔山丹
縣田土化鼠食苗雀食黍殆盡八年夏六月陝回大隊西行窺伺

甘肅新通志

卷二

天文志

附祥異

五

中衛城百姓巡防各執刀矛立於堞口十九日夜所執刀矛遍生
火光高尺餘遠望皆然而執持之人不覺回匪由是遠遁秋甯遠
大疫死者甚衆秦州亦大疫時逆回屢攻村堡南鄉紫柏山有神
燈風雷之異民賴以安九月靈州桃李華冬惠安堡民人惠澤之
妻孕三歲不產忽小腹潰裂子從孔出如人形頃之子死腹復合
無痕閏十月十五日三更時大星從西甯縣東南墜於西北有聲
如雷是年固原大稔永昌大饑通渭秦安雨雹田鼠南遷階州民
人符萬修家騾生駒文縣大渡壩民人家騾生駒九年春正月皋
蘭縣不雨至夏四月歲大饑土塊化爲鼠五月二十三日階州雷
電雨雹如注大風發屋簷瓦皆飛摧折城樓掩殺二十九人六月
西甯景羊川硤門雨冰大如裂釜是年文縣生員張耿光家騾生
駒十年夏皋蘭縣旱四月初一日日食星出五月二十二日階州

白馬關大雨雹平地水深數尺淹沒二百一十二人秋八月皋蘭縣雨雹十一年三月皋蘭縣地震自春徂夏不雨六月十九日大雨雹條城夏禾將熟顆粒撻落滿地立秋後果木復開花七月十六日西甯縣大雨迅雷折河北褚興莊門柳越日又折中柴莊園松冬十一月二十五日夜有大星自肅州西北流於東南方墜地有聲十二年春正月二十六日黎明肅州地震夏五月日入後乾方有白氣上衝歷數年屢見初六日午時固原雷雨大風至申時始晴城西南隅有回寺一座其門扉殿壁片瓦無存土人謂此寺已飛入湟山洱海間矣六月十四日亭午漳縣馬成龍川一帶乾方巨聲三響聞數十里俄而繁音疊作不可名狀忽有光三道橫亙天半如虹復巨聲三作移時始滅墜石三塊二落龍川外一在北堡西壕邊場內入土深三尺許居民掘之以祀十五日傳觀至

西堡高可尺四五寸大僅盈拱青白色酷似靖遠蓬灰狀是月至八月化平廳霖雨不止傾壞廬舍甚衆十三年秋八月初間西和縣晝夜大風其聲如吼至十一日晝晦西山崩裂走入城中壓倒西城牆垣二百四十餘丈民房九十餘院壓斃男婦大小四十九丁口受災者二百一十餘戶冬十二月皋蘭縣嘉福寺木塔火是年山丹縣大饑彗星見又同治初漳縣城外有人露宿渠壠聞砉然一聲天忽開縫形如棗核橫亙天腰光彩閃爍其中深黑無際相呼起視人多見者回亂時西甯鎮海營堡有騾馬同胎而生光緒元年春正月元日西甯縣西川陰山崩壓蓋田地壅塞水渠總統湘軍劉錦棠派勇挑開溝渠以通灌溉數莊利焉夏六月皋蘭縣大風拔樹秋七月舊洮東明山崩九月皋蘭縣地震冬十一月距莊浪城三里之馬家莊桃花開結子如梅是年河州饑通

渭秦安大稔二年皋蘭縣旱通渭秦安化大稔洮州廳西鄉那子哈民家牛生子如麟以爲怪杖斃之三年夏四月霾從古浪西北起自午至申晝晦如夜十六日成縣雨雹十七日靈臺雨雹五月間皋蘭縣庠生張文煥之妻鄭氏一產四男夏六月夜河州大雷雨北鄉紅崖寨山崩壓死居民二百餘人牲畜無算是年安化蝗飛蔽天靖遠平涼涇州靈臺禮縣文縣合水大旱饑四年通渭秦安安化秋稔九月皋蘭縣地震是年階州石化爲麩靈州蝗飛蔽天莊浪階成靈州等處及鞏秦屬大旱饑至次年四月乃雨五年甯遠歲饑通渭秦安化大通大稔夏四月甯州移水泉馬姓地內麥秀兩歧者二十四莖五月初十日階州文縣地震十一日階州大水十二日寅刻隴右諸州縣同時地震山谷響應土霧反天場內碌碡相抵觸甕中水傾出室廬搖落壓死人畜階州城中

甘肅新通志

卷二

天文志

附祥異

三

突起土阜周二里許各處山飛石走地裂水出殺九千八百八十一人文縣山崩水壅城垣傾圮殺一萬八百三十餘人先有童謠云兩個土地會說話兩個石人會撐架其斯之讖乎是月至六月朔文縣南河洋湯河與階州西江水先後漲發淹沒城垣營署民房人畜無算秋化平廳雨雹冬十一月階州黃霧四塞人對面不相識者一十四日越明年夏六月二十五日地復大震殺四十二人嗣後階州文縣震動無常至十一年秋八月十七日震後乃止六年莊浪安化大通大稔洮州廳東鄉三岔河柳開花宛如牡丹古浪地震撫彝廳平川城北有男女石像各一並肩立黑河干高三尺餘貌古不知置自何代土人相傳每河水橫發漂沒田廬輒前夕聞呼喊聲是年平川民先數夜聞喊聲異疑石人告警相戒備河水果驟漲丈餘魁星樓幾倒入水賴衆護乃免有諺云水淹

平川石人承擔七年夏飛蝗自中衛東來幾蔽天日落沙邊湖中
水草之上未傷禾稼五月乙卯皋蘭縣地震翼日復震六月禮縣
岳平大潭二里地大震斃人民四百八十口傾倒房屋四千有奇
牲畜無數二十五日西和西甯等處地震秋七月通渭秦安地震
秦州城南池蓮開並蒂花三是月大雨清水縣北障水隄沖刷三
十餘丈禮縣長道鎮溺七人牲畜數十永興鎮被災者四十餘戶
冬十一月初二日子時西甯丹噶爾地震天明已時又震其聲自
北而南初三日寅時四鄉皆震是年彗星見於狄道北方長三尺
許安化大通大稔八年春二月初八日丑刻西和縣地震有聲夏
通渭秦安大雨雹秋稔八月皋蘭縣雨雹大如雞卵冬十一月地
震是年彗星見於固原東北靈臺東方古浪蝗害稼西甯大通大
稔九年莊浪東南大星有尾似掃帚光如然炬數月不見西甯大

甘肅新通志

卷二

天文志

附祥異

一

通及永昌大稔十年夏四月初八日涇州大雨雪閏五月皋蘭縣
大雨雹六月大水黃河溢壞禾苗房屋甚多化平廳迅雷大雨水
溢五六尺漂牲畜傷禾稼二十五日洮州廳大雪穀盡壓秋七月
皋蘭縣大疫初四日山丹縣雨雹大如雞卵八月秦州東鄉虎頭
山下民村椿樹枝如人挽結後忽變成刀形長三尺許次年新葉
生形乃化冬皋蘭縣無雪十一月地震二十九日夜秦州西和等
處地大震有聲如雷是年大通大稔莊浪星隕如雨洮州廳山竹
開花結實歲饑十一年夏六月皋蘭黃河溢舊洮大雨雹秋七月
山丹縣大雨雪南山禾苗被災冬十月初八日夜半至雞鳴華亭
縣星隕如雨二十日夜靈臺縣星隕如雨頃刻星稀不見是年皋
蘭縣喉疫大行死者甚衆幼孩尤多至次年更甚十二年夏五月
二十日莊浪近城及隆安里大雨雹六月靜甯州下張節各處大

雨雹溝澮漲溢平地水深數丈浸圮廬舍甚多涇州南鄉大風拔樹是年狄道初伏雪彗星見於東南長三尺許河州東冰草嶺山崩舊洮犬生一子八足十三年春二月己未朔太陽交周在鶉首宮四度五十七分四十四抄閏四月雷火焚秦州西關城礮臺望樓十二日亥時西和地震有聲如雷五月靜甯州下張節各處及秦州西鄉大雨雹浸圮廬舍大傷禾稼六月初一日未初初刻三分太陽黃道入井宿二十四度與火土二星同宮水星退入井宿二十九度與太陰同宮是月皋蘭縣北鄉紅水等處地震壞城垣廬舍秋七月洮河漲狄道西甕城垣沒於水初二日洮州廳東鄉上占旂石門口北鄉浦家里皆大水高數丈居民浦發洞浦六十四皆闔門溺死漂禾稼溺六畜無算初十日大雪深尺餘八月皋蘭縣崔家崖民家豕生一象次日卽斃十二月甲戌河州地震是

甘肅新通志

卷二

天文志

附祥異

五

年月食三次甯州有一鳥九首自東而西鳴聲錯雜洮州永昌饑古浪大稔靖遠瘟疫流行死亡甚衆至次年不止冬無雪草木皆萌芽十四年春秦州有蟲食禾及蔬歲大歉夏四月皋蘭縣地震秋化平廳雨雹九月秦州西甯等處地震靖遠蘆塘營永安堡鎖罕堡尤甚傾倒城垣房屋壓死人畜無算冬皋蘭縣暖黃河冰橋未結十五年夏五月化平廳黃風自西北起晝晦雷電雨雹蛙形傷麥十一日金縣浩疊河暴水驟至浩疊橋與迎善橋俱沖沒六月十六日望太陰交周在鶉首宮八度三十六分秋八月靈州地大震傾倒房屋甚多九月地又震十六年春正月二十八日卯時西甯縣地震有聲夏六月十三日山丹縣驟雨一時水沖城郭秋八月十五日固原大風拔樹是年皋蘭春夏亢旱西柳溝老民吳珂年百有二歲靖遠靜甯大疫文縣夏早秋潦荒歉異常十七年

春白鶴翔於通渭秦安之雞川正月十九日金縣雪至二月終止
遍地雪深二三尺見晁則雪水河流平地成溝冬十月旣望莊浪
星隕如雨十一月通渭秦安雨水冰十二月二十一日夜涇州星
隕是年靜甯合水旱十八年春正月二十日白晝有星如火墮自
狄道西方聲如雷蜿蜒者久之夏四月化平廳隕霜六月洮州廳
北鄉大水秋七月夜靜甯東北靈州西南星隕如雨是年皋蘭金
縣靜甯通渭舊洮安化大旱古浪大稔甯州長馬熾馬壽隆家生
一子三眼三足一眼在額前一足在臍下產母登時撲殺之十九
年春正月靈州東門外井中青龍見報官作清醮浹旬霹靂一聲
天上黑雲如蓋一巨龍夭矯其中移時始滅夏四月十七日西甯
縣小南川貧爾干地震傾倒房屋三百餘間壓斃人口甚多五月
靖遠通渭秦安大雨雹六月又雨雹狄道雹大如盃傷禾皇后溝

甘肅新通志

卷二

天文志 附祥異

五

山崩歷男婦十三人通渭秦安秋稔冬十月初三日夜山丹縣星
隕如雨光芒燭地越一時始滅是年皋蘭金縣靖遠靜甯固原洮
州大稔二十年春正月二十二日申刻有大星如火毬隕於皋蘭
縣北山東境白光蜿蜒空際有頃而沒土人識其處掘之一鐵卵
也二月朔日食初二日白虹貫日二十七日甘州府惡風暴起天
晝昏人不相見夏四月十三日夜莊浪大星有柄自東北飛隕西
南光如然炬六月靈州東南無雲而雷秋八月初四日卯時西甯
屬日色如血次二三日不甚光明九月甲戌朔太陽交周在鶉首
宮七度五十九分四十二秒冬海城縣沙雞過十月夜莊浪星隕
如雨是年河州東八部蘭山崩二十一年春正月初一日日食二
月彗星出海城縣正北月餘始沒初三日丑時大通縣天紅辰時
方正夏五月二十九日午時有星近於日邊甚明閏五月狄道天

鼓鳴冬十月初間大通城北六十里廣惠寺川龍見十二月初四
日夜山丹縣地震有聲自西南而東北三十日大通縣天東連響
數聲如礮大星如斗墜於西南方後隨青煙一道是年河州回叛
城被圍疫癘大作死者萬餘人西甯屬羣鼠食苗次年乃息二十
二年春正月靈州城內東北井中黃龍見盧參將合設醮半月天
忽雨霹靂一聲騰空而去十六日望太陰交周在鶉首宮六度十
六分夏皋蘭縣旱疫癘流行四月顏家峴子一書生化狼食人甚
橫旋以人頭啗其妻妻駭告其父父尾之入土神廟及出竟狼也
擊之斷尾逸去自此爲患益甚人呼之顏學生至九月被人槍斃
其皮有文當食人四千餘云五月間焦家灣徐姓家有杏樹一株
開牡丹花兩朵初二日未時山丹縣天紅大風雨晝晦雨著衣成
土泥癢六月初五日金縣大雨雹沿城附近麥禾傷盡是年河州

東哈家山崩有二鶴棲於漳縣新寺街西槐上朝去暮來每當天
高月朗戛然長鳴聲聞里許至冬乃不復見二十三年春正月十
二日夜大星自莊浪西南飛隕東北光如然炬須臾空中有聲二
十四日省城地震二月羣星晝見皋蘭南方尤多夏六月二十三
日華亭縣大淋雨白草峪溝水起數丈漂沒龐家磨三人秋八月
靖遠大風拔木是年黃河水暴漲漂流大木如覆蓋沿河一帶堆
積如山甯遠大夫溝北山崩壅漳水三日不流上下村室廬湮沒
傷人以百計二十四年夏四月二十四日涇州雨雹大者如雞卵
自正北起至東南四十里麥豆撻落淨盡人畜受傷者無算五月
河州大風雨雹山水平地三尺溺十餘人湮沒牲畜無數下旬丹
噶爾陰雨連綿六月朔初昏時雷電交作大雨傾盆平地水高十
餘丈漂流南城內外房屋數十院淹斃男女十餘人沖刷田地數

百畝皋蘭北山及東灘一帶田土化鼠竄食麥根人捕則愈甚有頭鼠而身猶土者秋八月初六日省城大雨雹禾苗及果蔬菸葉等均被災冬十一月平涼空同桃李華是年靖遠靜甯莊浪文縣丹朧爾等處大旱饑二十五年夏五月化平廳雨雹初五日海城縣雨雹大如雞卵南山一帶牛羊死者一千有餘秋七月初七日大通縣雨雹秦安縣大雨連旬北鄉盧家山崩周圍闊六七里聚雞川水倒溢十里有餘壓傷五戶淹斃男婦二十餘人有孫姓莊素踞高夜雨如注聞聲震如雷驚出視忽成崖岸形急促家人移高處天明視之村落滄桑成沼是年日中有井字缺其西偏畫中舊洮東明山崩甯州任姓家羊產一羔二首耳目口鼻各具靜甯涇州安化大旱文縣大饑至二十六年涇州旱甚文縣又大饑二十七年秋初安化始雨二十六年春靜甯州城南亂石堆川地裂

甘肅新通志

卷二

天文志 附祥異

庚

二月有星晝見者數日皋蘭平涼莊浪固原洮州等處自春徂夏俱大旱五月皋蘭始雨六月漳縣新寺南谷山連日有聲如雷地土鬆湧若豬喙然初四日遙山忽崩壅塞河水三日不流秋七月初六七八日靜甯州連宵大雨南五臺山西崩冬十一月望太陰交周在鶉首宮四度十七分三十四秒十二月十四日午刻日重暈顯三珥旁有戟氣又有白虹隨暈生背氣厯未至申不滅是年黃河水赤三日河州東王家山崩靖遠大饑莊浪有秋古浪大稔二十七年春正月初五日丹朧爾有一羊兩頭一羔三足者夏皋蘭五泉山三臺閣下山崖崩落石破塵飛數日始止六月金縣迅雷急雨大風拔樹甚夥二十二日洮州東鄉雨雹及冰塊秋七月初四日山丹縣大雨平地水深尺許沾滯如膠漆味腥臭傷禾冬十一月廿間省中大雪盈尺著樹者連綿下綴若穗然十二月二

十三日辰時丹噶爾天鼓鳴是年洮州饑靜甯靈臺饑疫固原大旱甯遠東關王清明等處麥有一莖五穗六穗者二十八年春二月金縣境黃河清數日十一日夜省城院門南街大火東西兩面鋪店焚燬者百數十間夏徽縣南山一帶麥雙歧秋七月初六日莊浪廣樂里雨雹八月繁霜禾盡萎冬十月初九日戌時山丹縣有聲如雷十二月除夕永昌地震是年安化合水大稔二十九年春正月二十九日有星隕於山丹縣西北二月衆星南流如雨而隕夏四月甯州新莊武生石振海田中麥秀兩歧者五莖五月十七日洮州南鄉大雨雹殺禾稼殆盡閏五月狄道西南鄉被雹六月十九日夕舊洮大風樹多摧折秋七月二十三日有星隕於山丹縣東北八月望太陰交周在鶉首宮七度四十四分四十秒冬十月西甯縣南街火燒鋪面兩間十一月又燒大什字街鋪面十

甘肅新通志

卷二

天文志 附祥異

彙

間是年洮州饑安化合水大稔三十年春二月甲辰朔太陽交周在鶉首宮四度二十九分五十四秒夏六月初閏狄道慶雲見彗星出海城縣正東二十餘日始滅初一至初六日蘭州一帶連日大雨黃河暴發響水于桑圍硤水不能容汎濫橫流十八家灘及什川條城靖遠等處房屋廬舍盡被沖沒東川隨處地裂水湧沒東稍門城牆者丈餘城門以沙囊壅之近郊田園屋宇沖塌無數登陴遙望幾爲澤國災黎近萬餘河州黃河居上游亦暴漲衝沒居民二十餘家損壞禾稼花果無數洮河渭河亦水溢洮州民舍皆漏甯遠城門屋廬湮沒各河道被災秋七月山丹縣大雨雪禾稔稗初五日海城縣西北角無雷而響二十二日東樂洪水海臺南古三臺地方大風拔木雪深數尺禾苗盡偃二十三日有星隕於山丹縣東北八月十二日海城縣西北角天鼓鳴冬十月沙灘

過十一月二十二日午刻日暈兩重南北顯兩珥光明朗澈與日光相激射東北又生背氣歷三時之久是年甯州太昌趙姓家有雞三足一近尾而短行不著地洮州饑安化合水大稔三十一年夏西甯縣火燒鋪面二間五月洮州北鄉大雨雹化平北面里狼食人秋雨雹七月二十四日關橋等處雨雹大如雞卵傷禾稼二十六日酉時丹噶爾有星如月從西南方墜地飛行有蒂八月初三日洮州大西鄉大雨雹傷禾稼樹木冬十月初六日辰刻東方有氣如虹直衝於天舊洮泉古山崩十六日申刻靈州一星大如斗從東方起落於正西其聲如雷落後光芒衝入天中其形蜿蜒越時始滅十一月十六日辰刻靖遠山丹有星大如斗紅如日又有白光一道自西南流於東北扶搖直上移時始滅是年洮州饑安化合水大稔三十二年夏狄道西鄉冰雹傷禾四月化平隕霜

甘肅新通志

卷二

天文志 附祥異

卒

洮州東鄉韓旂民張受祿畝中得麥一莖五穗五月驟雨有龍騰於固原西海子洮州西鄉莽灣山崩六月端溝山崩甯遠有冰大如車輪在南城根書院後初四日午後靈臺縣東北方空中一聲有似巨礮震響向西去野外禽鳥驚飛鳴於空際甘肅永昌冰雹秋靖遠桃李華七月洮州陡芽坡山崩洩民田數十畝南鄉青石山一白雉居人獵獲之八月望太陰交周在鶉首宮二十七度十三分五十五秒冬十月固原白晝見大星隨日以行初五日午後秦安縣無雲而雷十一月十六日晝間中衛有大星由南方出隕於北方紅光蜿蜒者時許漸變青白光散十二月初一日癸亥朔蘭州府日食八分四十五秒十六日戊寅望月食六分五十九秒是年洮州饑安化合水大稔三十三年春三月甯州三里村馮姓妻產一子深目長喙猴爪背有毛長寸許能左右顧啼聲如猴西

澗頭李楷鑊家牟生一羔人面春夏之際皋蘭縣大旱麥槁西甯縣北川與沙塘川隱隱聞牛鳴聲但不能迹其定處五月山丹縣東南硤口老軍寨諸處蝗食禾殆盡其螭騫地寸許六月廿間彗星見於莊浪正東靈臺東北尾長丈餘經月始滅秋皋蘭縣饑靜甯州潦七月間甯遠魯班山水暴發礫石川淤田千畝禾麻不收小柯槽山崩屋移每夜子刻皋蘭靜甯秦安等處彗星見於東北方光芒四射曳尾數丈至八月而隱八月狄道天鼓鳴十五日夜山丹縣有聲如雷九月會甯東關馬姓院內有紫薇一株結石榴一枚北關梁姓園中有杏樹一株開蓮花一朵是年安化合水大稔三十四年春二月蘭州東關牛生一犢兩頭駢連四目二鼻二口二耳形甚類犬涇州雨黃沙夏彗星見於狄道東方四月初一日皋蘭狄道河州靜甯固原海城等處大風雪傷果花麥苗未申

甘肅新通志

卷二

天文志

附祥異

空

刻丹噶爾淒風大作冷如嚴冬天色正黃日光淡白山川黯晦田禾枯數寸許二十四日涇州雨雹五月十二日晚丹噶爾大雨徹宵繼之以雪至十三日晨後山川城郭一片皆白午刻開霽雖日照多時而陽山之雪猶明潔如故六月狄道西北鄉被雹秋八月狄道固原桃李華是年蘭州靜甯秦州等處大旱饑 宣統元年正月初四日夜皋蘭縣衙署災延燒官舍六十間二月二十六日夜省城院門南街大火延及道陞東街小巷燒燬鋪面房屋二百零九間全省春夏亢旱蘭州五月乃雨河州無麥皋蘭金縣狄道靖遠安定會甯平番碾伯皆薦饑南關民家豬生一子二首一身雙尾八足二十五日午後日暈圍有黑氣六月初一日夜大雨滂沱次日午後黃河盛漲浮橋鐵索忽斷船隻順流東去直至靖遠泊岸船中一人尙無恙十五日秦安大水沖沒田園廬舍隴水出

新陽崖與渭河流通秦州三陽川淹斃人民數十餘口秦安雒家川南山自十五日晚動飛塵時起至廿後忽崩侯家棗樹莊舍被壓傷斃三人隴水赤三日是年日食一次月食一次春秋書災不書祥且不著事應惟在上之人恐懼修省而已漢興董仲舒治公羊始推陰陽爲儒者宗劉向治穀梁明禍福之數著洪範五行傳至向子歆治左氏立災異之學論者或病其穿鑿傳會抑知天人之際感召甚神和氣致祥戾氣致異此一定之理恃祥而驕或反召禍因異而懼或轉致福人力回天又可信也以甘疆視直省二十餘分之一耳諸郡縣偶然之祥異必求事應以實之鑿矣然亦何可忽也志之以備通理數者考焉

